

史

記

三



# 秦本紀第五

## 史記五

索隱曰秦雖嬴政之祖本西戎附庸之君豈以諸侯之邦而與五帝三王同稱本紀斯必不可降為秦世家

秦之先帝顓頊之苗裔

正義曰黃帝之孫號高陽氏

孫曰女脩

女脩織玄鳥墮卵女脩吞之生子大業

索隱曰女脩顓頊之裔

裔女吞乙子而生大業其父不著而秦趙以母族而祖顓頊非生人之義也按左傳鄰國少昊之後而嬴姓蓋其族也則

素趙宜祖少昊氏。正義曰列女傳云陶子生五歲而佐禹曹大家注云陶子者臯陶之子伯益也按此即知大業是臯

陶大業取少典之子曰女華女華生大費

索隱曰扶味反

一音祕尋費後以為氏則扶味反為得此即秦趙之祖嬴姓之先一名伯翳尚書謂之伯益系本漢書謂之伯益是也尋

檢史記上下諸文伯翳與伯益是一人不疑而陳杞系家即叙伯翳與伯益為二未知太史公疑而未決邪抑亦謬誤爾





與禹平水土已成帝錫玄圭禹受曰非予能成

亦大費為輔帝舜曰咨爾費贊禹功其賜爾阜

游索隱曰游音旒謂賜以皂色旌旒之旒色與玄圭色副言其大功成也然其事亦當有所出爾後嗣

將大出索隱曰出猶生也言爾後嗣繁昌將大生也乃妻

之姚姓之玉女徐廣曰皇甫謐云賜之玄玉妻以姚姓之女也大費拜受佐

舜調馴鳥獸鳥獸多馴服是為栢翳舜賜姓羸

氏大費生子二人一曰大廉實鳥俗氏二曰若

木實費氏索隱曰以仲衍鳥身人言故為鳥俗氏俗一作洛若木以王父字為費氏也其玄

孫曰費昌子孫或在中國或在夷狄索隱曰殷紂時費仲即昌

之後也費昌當夏桀之時去夏歸商為湯御以敗

秦紀

桀於鳴條大廉玄孫曰孟戲中衍索隱曰舊解以孟戲仲衍是一

人今以孟仲分字當是二人名也鳥身人言正義曰身體是鳥而能人言又云口及手足似鳥也帝

太戊聞而卜之使御吉遂致使御而妻之自太

戊以下中衍之後遂世有功正義曰謂費昌及仲衍以佐殷

國故羸姓多顯遂為諸侯其玄孫曰中湣徐廣曰一作滑

正義曰中音仲湣音決在西戎保西垂生蜚

廉蜚廉生惡來惡來有力晏子春秋曰手裂虎兕蜚廉善走

父子俱以材力事殷紂周武王之伐紂并殺惡

來是時蜚廉為紂石北方徐廣曰皇甫謐云作石搏於北方索隱曰石下無

字則不成文意亦無所見必是史記本脫皇甫謐尚得其說徐雖引之而竟不云是脫何字專質之甚也正義曰為于

偽反劉伯莊云霍太山紂都之北也霍太山還無所報為

壇霍太山地理志霍太山在河東彘縣而報得石棺正義曰紂既以崩無所歸

報故為壇就霍太山而祭紂報云作得石槨銘曰帝令處父不與那亂索隱

曰處父蜚賜爾石棺以華氏死遂葬於霍太山甫皇

廉別號謚云去彘縣十五里有冢常祠之○索隱曰言處父至忠國滅君死而不忘臣節故天賜石棺以光華其族事蓋非實譙

周深所不信音升蜚廉復有子曰季勝正義季勝生孟增孟

增幸於周成王是為宅皐狼正義曰地理志云西河郡皐狼縣也按孟增居

皐狼而生衡父皐狼生衡父衡父生造父造父以善御

幸於周繆王得驥温驪徐廣曰温一作盜駟案郭璞云為馬細頸驪黑色○索隱

曰温音盜徐廣亦作盜鄒誕生本作駟音陶劉氏音義云驪驪竊也竊淺青色八駿既因色為名竊驪為得之也驪

秦紀

**駟**郭璞曰色如華而赤今名馬  
**駟**北唐之君來見

以一驪馬是生綠耳八駿皆因其毛色以為名號駟案穆天子傳穆王有八駿之乘此紀不具者也○索隱曰按穆王傳

曰赤驥盜驪白義渠黃驊騮騊駼  
**西巡狩樂而忘歸**郭璞

云穆王十七年西征於崑崙山見西王母○正義曰括地志

云崑崙山在肅州酒泉縣南八十里六國春秋云前梁張駿

酒泉守馬爰上言酒泉南山即崑崙之丘也周穆王見西王

母樂而忘歸即謂此有石室王母堂珠璣樓嚴飾煥若神宮

按肅州在京西北二千九百六十  
**徐偃王作亂**地理志曰

里即小崑崙也非河源出處者  
縣云故徐國尸子曰徐偃王有筋而無骨駟謂號偃由此○

正義曰括地志云大徐城在泗州徐城縣北三十里古徐國

也博物志云徐君宮人有娠而生外以為不祥棄於水濱洲  
孤獨無有大鵠蒼蒼所棄外以歸覆煖之乃成小兒生偃故  
宮人聞之更取養之及長襲為徐君後鵠蒼臨死生角而九  
尾化為黃龍也鵠蒼或名后蒼括地志又云徐城在越州鄞  
縣東南入海二百里夏侯志云翁洲上有徐偃王城傳云昔  
周穆王巡狩諸侯共尊偃王穆王聞之令造父御乘驪馵之

馬日行千里自還討之或云命楚王帥師伐之偃王乃於此處立城以終造父為繆王御長

驅歸周以救亂正義曰古史考云徐偃王與楚文王同時去周穆王遠矣且王者行有周衛豈

得救亂而獨長驅日行千里乎並言此事非實按繆王以

年表穆王元年去楚文王元年三百一十八年矣

趙城封造父徐廣曰趙城在何東永安縣。正義曰括地志云趙城今晉州趙城縣是本彘縣地後改

曰永安即造父之邑也造父族由此為趙氏自蜚廉生季勝

已下五世至造父別居趙趙衰其後也惡來革

者蜚廉子也早死有子曰女防女防生旁皐旁

皐生太几太几生大駱大駱生非子以造父之

寵皆蒙趙城姓趙氏非子居犬丘徐廣曰今槐里也。正義曰括

地志云犬丘故城一名槐里亦曰發丘在雍州始平縣東南

十里地理志云扶風槐里縣周曰犬丘懿王都之秦更名發

秦紀

立高祖三年更名槐里也好馬及畜正義好火到反畜許救反善養息之犬丘

人言之周孝王孝王召使主馬于汧渭之間正義

曰汧音牽言於二水之間在隴州以東馬大蕃息孝王欲以為大駱適

嗣申侯之女為大駱妻生子成為適申侯乃言

孝王曰昔我先酈山之女正義曰申侯之先娶於酈山為戎胥

軒妻正義曰胥軒仲衍曾孫也生中滿以親故歸周保西垂西

垂以其故和睦今我復與大駱妻生適子成申

駱重婚西戎皆服所以為王正義曰言申駱重婚重直龍反西戎皆從所以

得為王王即孝王王其圖之於是孝王曰昔栢翳為舜主

畜畜多息故有土賜姓嬴今其後世亦為朕息

馬朕其分土為附庸邑之秦徐廣曰今天水隴西縣秦亭也。正義曰括地

志云秦州清水縣本名秦嬴姓邑十三州志云秦亭秦谷是也周太史儋云始周與秦國合而別故天子邑之秦使

復續嬴氏祀號曰秦嬴亦不發申侯之女子為

駱適者以和西戎秦嬴生秦侯秦侯立十年卒

生八公伯公伯立三年卒生秦仲秦仲立三年周

厲王無道諸侯或叛之西戎反王室滅犬丘大

駱之族周宣王即位徐廣曰秦仲之十八年也乃以秦仲為大

夫誅西戎西戎殺秦仲秦仲立二十三年死於

戎毛詩序曰秦仲始大有車馬禮樂侍御之好也有子五人其長者曰莊公

周宣王乃召莊公昆弟五人與兵七千人使伐

秦紀



西戎破之於是復予秦仲後及其先大駱地犬

丘并有之為西垂大夫

正義曰注水經云秦莊公伐西戎破之周宣與大駱犬丘之地

為西垂大夫括地志云秦州上邽縣西南九十里漢隴西郡縣是也

莊公居其故西犬丘

生子三人其長男世父世父曰戎殺我大父仲

我非殺戎王則不敢入邑遂將擊戎讓其弟襄

公襄公為太子莊公立四十四年卒太子襄公

代立襄公元年以女弟繆嬴為豐王妻襄公二

年正義曰括地志云故汧城在隴州汧源縣東南三里帝王世紀云秦襄公二年徙都汧即此城

戎圍犬

丘世父世父擊之為戎人所虜歲餘復歸世父

七年春周幽王用褒姒廢太子立褒姒子為適



數欺諸侯諸侯叛之西戎犬戎與申侯伐周殺

幽王酈山下而秦襄公將兵救周戰甚力有功

周避犬戎難東徙維正義曰周平王徙居王城即維邑云我上澗水東湮水西維邑

也者襄公以兵送周平王平王封襄公為諸侯賜

之岐以西之地曰戎無道侵奪我岐豐之地秦

能攻逐戎即有其地與誓封爵之襄公於是始

國與諸侯通使聘享之禮乃用駟駒徐廣曰赤馬黑髦曰駟

黃牛羝羊各三祠上帝西時徐廣曰年表云立西時祠白帝○索隱曰襄公

始列為諸侯自以居西時西時縣名故作西時祠白帝時止也言神靈之所依山也亦音市謂為壇以祭天也十二

年伐戎而至岐卒生文公文公元年居西垂宮

秦紀

正義曰即上西縣是也

三年文公以兵七百人東獵四年至

汧渭之會曰昔周邑我先秦嬴於此後卒獲為

諸侯乃卜居之占曰吉

正義曰括地志云郿縣故城在岐州郿縣東北十五里毛萇云

郿地名也秦文公東獵會卜居之乃營邑焉即此城也

即營邑之十年初為郿

時

徐廣曰郿縣屬馮翊故曰郿時故封禪書曰秦文公夢黃蛇自天而下屬之地

止於郿街史敦以為神故立時也。正義曰括地志云三時原在岐州雍縣南二十里封禪書云秦文公作郿時襄公作

西時靈公作吳陽上時並此原上因名也

用三年十二年初有史以紀事

民多化者十六年文公以兵伐戎戎敗走於是

文公遂收周餘民有之地至岐岐以東獻之周

十九年得陳寶

索隱曰按漢書郊祀志云文公獲若石云于陳倉北坂城祠之其神來若雄雉

其聲躬躬云野雞夜名以一牢祠之號曰陳寶又臣瓚云陳倉縣有寶夫人祠歲與萊君神會也蘇林云質如石似肝云語辭。正義曰括地志云寶雞神在岐州陳倉縣東二十里故陳倉城中晉太康地志云秦文公時陳倉人獵得獸若彘不知名牽以獻之逢二童子童子曰此名為媚常在地中食死人腦即欲殺之拍捶其首媚亦語曰二童子名陳寶得雄者王得雌者霸陳倉人乃逐二童子化為雉雌上陳倉北坂為石秦祠之搜神記云其雄者飛至南陽其後光武起於南陽皆如

**二十二年法初有三族之罪**  
張晏曰父母兄弟妻

**族妻**  
徐廣曰今武都

**族也**  
故道有怒特祠

**二十七年伐南山大梓豐大特**  
故道有怒特祠

圖大牛上生樹本有牛從木中出後見於豐水之中。正義曰括地志云大梓樹在岐州陳倉縣南十里倉山上錄異傳云秦文公時雍南山有大梓樹文公伐之輒有大風兩樹生合不斷時有一人病夜往山中聞有鬼語樹神曰秦若使人被髮以朱絲繞樹伐汝汝得不困即樹神無言明日病人語聞公如其言伐樹斷中有一青牛出走入豐水中其後牛出豐水中使騎擊之不勝有騎墮地復上髮解牛畏之入不出故置髦頭漢魏晉因之武都郡立怒特祠是大梓牛神也按

秦紀

今俗畫青牛障是

四十八年文公太子卒賜謚為靖公徐廣

曰文公之四十四年曾隱之元年

靖公之長子為太子是文公孫也

五十年文公卒葬西山

徐廣曰皇甫謐云葬於西山在今隴西之西縣

靖公

子立是為寧公

徐廣曰一作曼

寧公二年公徙居平陽

徐廣

曰鄆之平陽亭。正義曰帝王世紀云秦寧公都平陽按岐山縣有陽平鄉鄉內有平陽聚括地志云平陽故城在岐州

岐山縣西四十六里

秦寧公徙都之處

遣兵伐蕩社

徐廣曰蕩音湯社一作杜。索隱曰西戎之君號曰亳王蓋成湯之胤其邑曰蕩社徐廣云一作湯社言湯

邑在杜縣之界故曰湯杜也。正義曰括地志云雍州三原縣有湯陵又有湯臺在始平縣西北

八里按其國蓋在三原始平之界矣

三年與亳戰亳王

奔戎遂滅蕩社

皇甫謐云亳王號湯西夷之國也

四年魯曾公子翬

弑其君隱公十二年伐蕩氏取之寧

正義曰音暉即羽父也

正義曰音暉即羽父也

公生十歲立立十二年卒葬西山

正義曰括地志云秦寧公墓在

岐州陳倉縣西北二十七里秦陵山帝王世紀云秦寧公葬西山大麓故號秦陵山也按文公亦葬西山蓋秦陵山也

生子二人長男武公為太子武公弟德公同母

魯姬子

正義曰德公母號魯姬子

生出子寧公卒大庶長弗忌

威壘

正義音力追反

三父廢太子而立出子為君出子

六年三父等復共令人賊殺出子出子生五歲

立立六年卒三父等乃復立故太子武公武公

元年伐彭戲氏

正義曰戲音許且反戎號也蓋同州彭衙故城是也

至于華山

下

正義曰即華嶽之下也

居平陽封宮

正義曰宮名在岐州平陽城內也

三年

誅三父等而夷三族以其殺出子也鄭高渠昧

殺其君昭公

索隱曰春秋魯桓公十七年左傳作高渠彌也

十年伐邾翼戎

初縣之

地理志隴西有上邽縣應劭曰即邽戎邑也翼縣屬天水郡

十一年初縣杜

鄭

地理志京兆有鄭縣杜縣也。正義曰括地志云下杜故城在雍州長安縣東南九里古杜伯國華州鄭縣也毛詩

譜云鄭國者周畿內之地宣王封其弟於咸林之地是為鄭桓公按秦得皆縣之

滅小虢

班固曰西虢在

雍州。正義曰虢音古伯反括地志云故虢城在岐州陳倉縣東四十里次西十餘里又有城亦名虢城輿地志云此虢

文王母弟虢叔所封是曰西虢按此虢滅時陝州之虢猶謂之小虢又云小虢羗之別種

十三年齊人

管至父連稱等殺其君襄公而立公孫無知晉

滅霍魏耿

索隱曰春秋魯閔公元年左傳云晉滅耿滅魏滅霍又曰賜趙夙耿賜畢萬魏杜預註曰平陽

皮氏縣東南有耿鄉永安縣東北有霍太山三國皆姬姓。正義曰括地志云霍晉州霍邑縣又春秋時霍伯國韋昭云

霍姬姓也括地志云故耿城今名耿倉城在絳州龍門縣東南十二里故耿國也都城記云耿嬴姓國也

齊雍

廩正義曰雍於宮反廩力甚反是雍林邑人姓名也殺無知管至父等而立

齊相公齊晉為疆國十九年晉曲沃始為晉侯

索隱曰晉穆侯少子成師居曲沃號曲沃相叔至武公稱滅晉侯緡始為晉君也桓相公伯於鄆

正義伯音霸二十年武公卒葬雍平陽初以人從死從

死者六十六人有子一人名曰白白不立封平

陽正義曰即雍平陽也平陽時屬雍並在岐州解在上也立其弟德公德公元年

初居雍城徐廣曰今縣在扶風大鄭宮正義曰括地志云岐州雍縣南七里故雍城秦德公

大鄭公城也以犧三百牢祠廊時卜居雍後子孫飲馬

於河正義曰卜居雍之後國益廣大後代子孫得東飲馬於龍門之向梁伯芮伯來朝

索隱曰梁嬴姓芮姬姓梁國馮翊夏陽芮國馮翊臨晉。正義曰括地志云南芮鄉故城在同州朝邑縣南三十里又有



北芮城皆古芮伯國鄭玄云周同姓之國在畿內為王卿士者左傳云栢公三年芮伯萬之母芮姜惡芮伯之多寵人故逐之出居魏今按州芮城縣界有芮國

### 二年初伏

孟康曰六月伏

日初也周時無至此乃有之。正義曰六月三伏之節起秦德公為之故云初伏伏者隱伏避暑也曆忌釋云伏者何以金氣伏藏之日也四時代謝皆以相生立春木代水水生木立夏火代木木生火立冬水代金金生水立秋以金代火

故至庚日必伏庚者金故曰伏也

### 以狗禦蠱

徐廣曰年表云初作伏祠社磔狗邑四門也。正義曰蠱

者熱毒惡氣為傷害人故磔狗以禦之年表云初作伏祠社磔狗邑四門按磔攘也狗陽畜也以狗張磔於郭四門攘却

熱毒氣也左傳云皿蟲為蠱顧野王云穀皆積變為飛蠱也

### 德公生二十三歲而立

立二年卒生子二人長子宣公中子成公少子

### 穆八長子宣公立宣公元年衛燕伐周

正義曰衛惠公都即

今衛州也燕南燕也周天王也括地志云滑州故城古南燕國應劭云南燕姑姓之國黃帝之後

### 出惠王



立王子頹三年鄭伯虢叔

正義曰括地志云洛州汜水縣古東虢國亦鄭之制

邑漢之成臯亦周穆王虎牢城左傳云宮之奇曰虢仲虢叔王季之穆也

殺子頹而入惠王

四年作密時

正義曰括地志云漢有五時在岐州雍縣南則卿時吳陽上時下時密時北時秦文公夢

黃蛇自天而下屬地其口止於卿衙作時郊祭白帝曰卿時秦宣公作密時於渭南祭青帝秦靈公作吳陽上時祭黃帝

作下時亦祠黃帝漢高帝曰天有五帝今四何也待我而具五遂立黑帝曰北時是也

與晉戰河陽

勝之十二年宣公卒生子九人莫立立其弟成

公成公元年梁伯

正義曰括地志云同州韓城縣南十二里少梁故城古少梁國都城記

云梁伯國嬴姓之後與秦同祖秦穆公二十二年滅之

芮伯來朝益相公伐山

戎次于孤竹

正義曰括地志云孤竹故城在平州盧龍縣十二里勢時諸侯竹國也

成公

立四年卒子七人莫立立其弟繆公

索隱曰秦自宣公已上皆

秦紀

史失其名今按世本古史考得繆公名任好繆公任好元年自將伐茅津

正義曰劉伯莊云戎號也括地志云茅津及茅城在陝州河北縣西二十里注水經云茅亭茅戎號勝之四

年迎婦於晉晉太子申生姊也其歲齊桓公伐

楚至邵陵五年晉獻公滅虞虢虢虜虞君與其大

夫百里奚以璧馬賂於虞故也既虜百里奚以

為秦繆公夫人媵於秦百里奚亡秦走宛地理志南

陽有宛縣。正義曰楚鄙人執之繆公聞百里奚賢

死於元反今鄧州縣欲重贖之恐楚人不與乃使人謂楚曰吾媵臣

百里奚在焉請以五羖羊皮贖之楚人遂許與

之當是時百里奚年已七十餘繆公釋其囚與

語國事謝曰臣亡國之臣何足問繆公曰虞君不用子故云非子罪也固問語三日繆公大說授之國政號曰五穀大夫百里傒讓曰臣不及臣友蹇叔蹇叔賢而世莫知臣常游困於齊而乞食鉶人徐廣曰鉶一作銍。正義曰銍音珍粟反銍地名在沛縣蹇叔收臣臣因而欲事齊君無知蹇叔止臣臣得脫齊難遂之周周王子頹好牛臣以養牛干之及頹欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且留再用其言得脫一不用及虞君難是以知其賢於是穆公

使人厚幣迎蹇叔以為上大夫秋繆公自將伐

晉戰於河曲

徐廣曰一作西駟案公羊傳曰河千里而一曲也服虔曰河曲晉地杜預曰河曲在蒲坂

南。正義曰按何曲在華陰縣界也

晉驪姬作亂太子申生死新城

正義

曰韋昭云曲沃新為太子城括地志云絳州曲沃縣有曲沃故城土人以為晉曲沃新城

重耳夷吾出

奔

正義曰重耳奔翟夷吾奔少梁也

九年齊桓公會諸侯於葵丘

正義

曰括地志云葵丘在曹州考城縣東南一里一百五十步郭內即桓公會處又青州臨淄縣有葵丘即傳連稱管至父所

處晉獻公卒立驪姬子奚齊其臣里克殺奚齊

荀息立卓子

徐廣曰一作倬

克又殺卓子及荀息夷吾使

人請秦求入晉於是繆公許之使百里奚將兵

送夷吾夷吾謂曰誠得立請割晉之河西八城

正義曰謂同華等州地

與秦及至巴立而使丕鄭謝秦背約

不與河西城而殺里克丕鄭聞之恐因與繆公

謀曰晉人不欲夷吾實欲重耳今背秦約而殺

里克皆呂甥卻芮之計也願君以利息召呂卻

呂卻至則更入重耳便繆公許之使人與丕鄭

歸召呂卻呂卻等疑丕鄭有間乃言夷吾殺丕

鄭丕鄭子不豹奔秦說繆公曰晉君無道百姓

不親可伐也繆公曰百姓苟不便何故能誅其

大臣能誅其大臣此其調也

正義曰調音徒聊反言能誅大臣丕鄭云是夷

吾於百姓調和也劉伯莊音徒弔反按調選也邪臣誅忠臣用是夷吾能調選兩通也

不聽而陰用

秦紀

豹十二年齊管仲隰朋死晉旱來請粟丕豹說

繆公勿與因其飢而伐之繆公問公孫支服虔曰秦大夫

公孫支支曰飢穰更事耳不可不與問百里傒傒

曰夷吾得罪於君其百姓何罪於是用百里傒

公孫支言卒與之粟以船漕車轉自雍相望至

絳賈逵曰雍秦國都絳晉國都也十四年秦飢請粟於晉晉君謀

之羣臣號射曰正義射音石也因其飢伐之可有大功

晉君從之十五年興兵將攻秦繆公發兵使丕

豹將自往擊之九月壬戌與晉惠公夷吾合戰

於韓地正義曰左傳云僖公十五年秦晉戰于韓原秦獲晉侯以歸括地志云韓原在同州韓城縣西南十

八里十六國春秋云魏顆夢父結草抗秦將杜回亦在韓原

晉君奔其軍與秦爭利

還而馬驚

正義曰驚音致又勃利反國語云晉師潰戎馬還泞而止韋昭云灣深泥也

繆公

與麾下馳追之不能得晉君反為晉軍所圍晉

擊繆公繆公傷於是岐下食善馬者二百人馳

冒晉軍晉軍解圍遂脫繆公而反生得晉君初

繆公亡善馬岐下野人共得而食之者二百餘

人

正義曰括地志云野人塢在岐州雍縣東北二十里按野人盜馬食處因名焉

吏逐得欲法

之繆公曰君子不以畜產害人吾聞食善馬肉

不飲酒傷人乃皆賜酒而赦之三百人者聞秦

擊晉皆求從從而見繆公窘亦皆推鋒爭死以



報食馬之德於是繆公虜晉君以歸令於國齋宿吾將以晉君祠上帝周天子聞之曰晉我同姓為請晉君夷吾姊亦為穆公夫人夫人聞之乃衰經跣曰妾兄弟不能相救以辱君命繆公曰我得晉君以為功今天子為請夫人是憂乃

與晉君盟許歸之更舍上舍而饋之七牢賈逵曰諸

侯雍餼七牢牛一羊一豕一為一牢也十一月歸晉君夷吾夷吾獻其

河西地使太子圉為質於秦秦妻子圉以宗女

是時秦地東至河正義曰晉河西入城入秦秦東境至河即龍門河也十八年

齊桓公卒二十年秦滅梁芮正義曰梁芮國皆在同州秦得其地故滅二國



君二十二年晉公子圍聞晉君病曰梁我母家

也正義曰子圍母梁伯之女也

而秦滅之我兄弟多即君百歲

後秦必留我而晉輕亦更立他子子圍乃亡歸

晉二十三年晉惠公卒子圍立為君秦怨圍亡

去乃迎晉公子重耳於楚而妻以故子圍妻重

耳初謝後乃受繆公益禮厚遇之二十四年春

秦使人告晉大臣欲入重耳晉許之於是使人

送重耳二月重耳立為晉君是為文公文公使

人殺子圍子圍是為懷公其秋周襄王弟帶以

翟伐王王出居鄭

正義曰王居于汜邑也

二十五年周王使

秦紀

人告難於晉秦秦繆公將兵助晉文公入襄王

殺王弟帶二十八年晉文公敗楚於城濮正義曰左傳僖

地也今濮州二十年繆公助晉文公圍鄭正義曰左傳僖

秦伯圍鄭杜預云文公過鄭鄭不禮之鄭使人言繆公曰亡鄭厚晉於

晉而得矣而秦未有利晉之彊秦之憂也繆公

乃罷兵歸晉亦罷三十二年冬晉文公卒鄭人

有賣鄭於秦曰我主其城門鄭可襲也繆公問

蹇叔百里奚對曰徑數國千里而襲人希有得

利者且人賣鄭庸知我國人不有以我情告鄭

者乎不可繆公曰子不知也吾已決矣遂發兵

使百里傒子孟明視蹇叔子西乞術及白乙丙

將兵行日百里傒蹇叔二人哭之繆公聞怒曰

孤發兵而子沮哭吾軍何也正義曰沮自呂反沮毀也左傳云蹇叔哭之曰

孟子吾見師之出二老曰臣非敢沮君軍軍行臣本監

作吾子與往正義與音預臣老遲還恐不相見故哭耳二

老退謂其子曰汝軍即敗必於殽阨矣正義曰殽音故交反

阨音厄春秋云魯僖公二十三年晉人及姜戎敗秦師于殽括地志云三殽山又名嶽岑山在洛州永寧縣西北二十里

即古之殽道也三十三年春秦兵遂東更晉地過周北門

周王孫滿曰秦師無禮正義曰左傳云秦師過周北門左右免胄而下超乘者三

百乘王孫滿尚幼觀之言於王曰秦師輕而無禮必敗杜預云王城北門也謂過天子門不卷甲束兵超乘示勇也不

秦紀

敗何待兵至滑

正義曰為八反括地志云緹氏故城在洛州緹氏縣東二十五里滑伯國也韋

昭云姬姓小國也

鄭販賣賈人

正義曰賣麥卦反賈音古左傳作商人也

弦高姓

名持十二牛將賣之周見秦兵恐死虜因獻其

牛曰聞大國將誅鄭鄭君謹修守禦備使臣以

牛十二勞軍士秦二將軍相謂曰將襲鄭鄭今

已覺之往無及已滅滑滑晉之邊邑也當是時

晉文公喪尚未葬太子襄公怒曰秦侮我孤因

喪破我滑遂黑裘衰經發兵遮秦兵於穀擊之大

破秦軍無一人得脫者虜秦三將以歸文公夫

人秦女也

服虔曰繆公女

為秦三囚將請曰繆公之怨此

三人入於骨髓願令此三人歸令我君得自快  
 烹之晉君許之歸秦三將三將至繆公素服郊  
 迎嚮三人哭曰孤以不用百里奚蹇叔言以辱  
 三子三子何罪乎子其悉心雪恥毋怠遂復三  
 人官秩如故愈益厚之二十四年楚太子商臣  
 弑其父成王代立繆公於是復使孟明視等將  
 兵伐晉戰于彭衙杜預曰馮翊郃陽縣西北有衙城。正義曰括地志云彭衙故城在同州。  
 秦由余其先晉人也亡入戎能晉言聞繆公賢  
 故使由余觀秦秦繆公示以宮室積聚由余曰

白水縣東北六十里

正義曰戎人姓名

秦紀

使鬼爲之則勞神矣使人爲之亦苦民矣繆公  
怪之問曰中國以詩書禮樂法度爲政然尚時  
亂今戎夷無此何以爲治不亦難乎由余笑曰  
此乃中國所以亂也夫自上聖黃帝作爲禮樂  
法度身以先之僅以小治及其後世日以驕淫  
阻法度之威以責督於下下罷極正義罷音皮則以仁  
義怨望於上上下下交爭怨而相篡弑至於滅宗  
皆以此類也夫戎夷不然上含淳德以遇其下  
下懷忠信以事其上一國之政猶一身之治不  
知所以治此真聖人之治也於是繆公退而問

內史廖曰

漢書百官表曰內史周官也

孤聞鄰國有聖人敵國

之憂也今由余賢寡人之害將奈之何內史廖

曰戎王處辟匿未聞中國之聲君試遣其女樂

以奪其志

徐廣曰奪一作徇

為由余請以疏其間留而莫

遣以失其期戎王怪之必疑由余君臣有間乃

可虜也且戎王好樂必怠於政繆公曰善因與

由余曲席而坐

正義曰按林在穆公左右相連而坐謂之曲席也

傳器而食

問其地形與其兵勢盡誓而後令內史廖以女

樂二八遺戎王戎王受而說之終年不還於是

秦乃歸由余由余數諫不聽繆公又數使人間



要由余由余遂去降秦繆公以客禮禮之問伐

戎之形正義曰韓國云秦穆公都地方三百里并國十四碑地千里隴西北地郡是也三十六

年繆公復益厚孟明等使將兵伐晉渡河焚船

大敗晉人取王官及郟徐廣曰左傳作郊駟案服虔曰此晉地不能有此正義曰郟音

郊左傳作郊杜預云書取言易也括地志云王官故城在同州澄城縣西北九十里又云南郊故城在縣北十七里又有

北郊故城又有西郊古城左傳云文公三年秦伯伐晉齊河焚舟取王官及郟也括地志云蒲州猗氏縣南二里又有王

官故城亦秦伯取者上文云秦東地至河蓋猗氏王官是也以報殺之役晉人皆

城守不敢出於是繆公乃自茅津徐廣曰在太陽

志云茅津在陝州渡河正義曰自茅津南度河也封殺中尸賈逵曰

封識之出遂自茅津濟封殺尸而還杜預云封埋藏也為發喪哭



之三日乃誓於軍曰嗟士卒聽無譁余誓是日汝

古之人謀黃髮番番正義曰音婆字當作皤皤白頭兒言髮白而更黃故云黃髮番番

番以申思謂蹇叔百里奚也則無所過以申思不用蹇叔百里

僕之謀故作此誓今後世以記余過君子聞之

皆為垂涕曰嗟乎秦繆公之與人周也服虔曰周備也卒

得孟明之慶三十七年秦用由余謀伐戎王益

國十二開地千里遂霸西戎天子使召公過賀

繆公以金鼓三十九年繆公卒葬雍皇驪見曰秦繆公家在橐泉

宮祈年觀下。正義曰朝記云橐泉宮秦孝公造祈年觀德

二從死者百七十七人秦之良臣子輿氏二人

秦紀

正義曰毛萇云良善也三善臣也左傳云子車氏之三子杜預云子車秦大夫也

名曰奄息仲

行鍼虎亦在從死之中

正義曰行音胡郎反鍼音其廉反應劭云秦穆公與羣臣飲酒

酣公曰生共此樂死共此哀於是奄息仲行鍼虎許諾及公薨皆從死黃鳥詩所為作也杜預云以人葬為殉也括地志

云三良冢在岐州雍縣一里故城內

秦人哀之為作歌黃鳥之詩君子

曰秦繆公廣地益國東服彊晉西霸戎夷然不

為諸侯盟主亦宜哉死而弃民收其良臣而從

死且先王崩尚猶遺德垂法况奪之善人良臣

百姓所哀者乎是以知秦不能復東征也穆公

子四十人其太子瑩代立是為康公元年

往歲繆公之卒晉襄公亦卒襄公之弟名雍秦

出也

正義曰雍母秦女故言秦出也

在秦晉趙盾欲立之使隨會

正義曰韓昭云晉正卿士為之孫成伯之子季武子也食采於隨范故曰隨會或曰范會季范子字也

來迎

雍秦以兵送至令狐

杜預曰在河東。正義曰今音零括地志云令狐故城在蒲州猗氏

縣界十五里也

晉立襄公而反擊秦師秦師敗隨會

來奔二年秦伐晉於武城

正義曰括地志云故武城一名武平城在華州鄭縣

東北十里也

報令狐之役四年晉伐秦取少梁正義曰前入秦

後歸晉今秦又取之

六年秦伐晉取羈馬

服虔曰戰於河曲

大敗晉軍晉人患隨會在秦為亂乃使魏離餘

服虔曰晉之魏邑大夫。正義曰離音受又作離音同

詳反正義詳音羊

合謀會詐而

得會會遂歸晉康公立十二年卒子共公立

索隱

曰名假十代至靈公又並失名共公二年晉趙穿弒其君靈公三

年楚莊王彊北兵至雒問周鼎共公立五年卒

子栢公立栢公三年晉敗我一將十年楚莊王

服鄭北敗晉兵於河上當是之時楚霸為會盟

合諸侯二十四年晉厲公初立與秦栢公夾河

而盟歸而秦倍盟與翟合謀擊晉二十六年晉

率諸侯伐秦秦軍敗走追至涇而還栢公立二

十七年卒子景公立徐廣曰廿本云景公名后伯車也索隱曰景公已下名又錯亂始

皇本紀作哀公景公四年晉欒書弒其君厲公十五年救

鄭敗晉兵於櫟杜預曰晉地也。正義曰櫟音歷括地志云洛州陽翟縣古櫟邑也是時

晉悼公為盟主十八年晉悼公彊數會諸侯率

以伐秦敗秦軍秦軍走晉兵追之遂渡涇至棫

林而還徐廣曰棫音域駟案杜預曰秦地也二十七年景公如晉與

平公盟已而背之三十六年楚公子圍弑其君

而自立是為靈王景公母弟后子鍼正義音鉗有寵

景公母弟富或譖之恐誅乃奔晉車重千乘晉

平公曰后子富如此何以自亡對曰秦公無道

畏誅欲待其後世乃歸三十九年楚靈王彊會

諸侯於申正義曰在鄧州南陽縣三十里為盟主殺齊慶封景公

立四十年卒子哀公立索隱曰始皇本紀作瑯公后子復來歸

秦哀公八年楚公子棄疾弑靈王而自立是為

平王十一年楚平王來求秦女為太子建妻至

國女好而自娶之十五年楚平王欲誅建建云

正義曰太子建  
二之鄭奠殺之伍子胥奔吳晉公室卑而六卿彊

欲內相攻是以久秦晉不相攻三十一年吳王

闔閭與伍子胥伐楚楚王云奔隨吳遂入郢楚

大夫申包胥來告急正義曰包胥姓公孫封於申故號  
申包胥左傳云申包胥如秦乞師

曰吳為封豕長蛇以荐食上國虐始於楚寡君失守社稷越  
在草莽使下臣告急曰夷德無厭若鄰於君疆場之患也逮

吳之未定君其取分焉若楚之遂云  
君之士也若以君靈撫之世以事君七日不食日夜哭

泣正義曰左傳云申包胥對秦伯曰寡君越在草莽未獲所  
伏下臣何敢即安立依於庭牆而哭日夜不絕聲勺飲不

入口七日秦哀公為賦無於是秦乃發五百乘救楚

衣九頓首而坐秦師乃出於是秦乃發五百乘救楚正義曰左傳魯定公五年秦子蒲子虎帥車五百乘以救楚敗吳師於軍祥敗吳師吳師歸

楚昭王乃得復入郢哀公立三十六年卒太子

夷公夷公蚤死不得立立夷公子是為惠公惠

公元年孔子行魯相事五年晉卿中行范氏反

晉晉使智氏趙簡子攻之范中行氏亡奔齊惠

公立十年卒子悼公立悼公二年齊臣田乞弒

其君孺子立其兄陽生為悼公六年吳敗齊師

齊人弒悼公立其子簡公九年晉定公與吳王

夫差盟爭長於黃池卒先吳徐廣曰外傳云吳王先歆吳彊陵

秦紀



中國十二年齊田常弒簡公立其弟平公常相  
之十三年楚滅陳秦悼公立十四年卒子厲共  
公立孔子以悼公十二年卒厲共公二年蜀人  
來賂十六年漸河旁以兵二萬伐大荔取其王

城

徐廣曰今之臨晉也臨晉有王城。正義曰荔音戾括地志云同州東三十里朝邑縣東三十步故王城大荔近王

城

二十一年初縣潁陽

地理志馮翊有潁陽縣。正義曰括地志云潁陽故城在雍州

同官縣界古潁陽縣城也

晉取武成二十四年晉亂殺智伯分

其國與趙韓魏二十五年智開與邑人來奔徐廣

曰一本本二十六年城南鄭也。正義曰開智伯子伯被趙襄子等滅其國其子與從屬來奔秦

三十二年

伐義渠虜其王

應劭曰義渠北地也。正義曰括地志云寧慶二州春秋及戰國時為義渠戎

國之二十四年日食厲共公卒子躁公立躁公二

年南鄭反正義曰南鄭今梁州所理縣也春秋及戰國時其地屬於楚也十三年義渠

來伐至渭南十四年躁公卒立其弟懷公索隱曰厲

共公子也生昭太子未立而卒太子之子是為靈公懷公四年庶長毚正義曰長

竹遙反音潮與大臣圍懷公懷公自殺懷公太

子曰昭子蚤死大臣乃立太子昭子之子是為

靈公索隱曰生靈公懷公孫也靈公六年晉城少

梁秦擊之十二年城籍姑正義曰括地志云籍姑故

五靈公卒子獻公不得立索隱曰獻立靈公季父

悼子是為簡公簡公昭之弟而懷公子也索隱

秦紀

公懷公弟靈公季父也子惠公立始皇本紀云靈公生簡公  
誤也又紀年云簡公九年卒次敬公立十二年卒乃立惠公  
○正義曰劉伯莊云簡公是昭子之弟懷公之子  
厲公之孫今史記謂簡公是厲公子者抄寫之誤簡公六

年令吏初帶劍

正義曰春秋官吏各得帶劍

漸洛城重泉

地理志重

泉縣屬馮翊。正義曰重直龍反括地志云重泉故城在同州蒲城縣東南四十五里也

十六年卒

徐廣

曰表云十五年也

子惠公立惠公十二年子出子生十三

年伐蜀取南鄭惠公卒出子立出子二年庶長

改迎靈公之子獻公于河西而立之

正義曰西者秦州西縣秦

之舊地時獻公在西縣故迎立之

殺出子及其母沈之淵旁秦以

往者數易君君臣乖亂故晉復彊奪秦河西地

正義曰奪前所上八城也

獻公元年

徐廣曰丁酉

止從死二年城櫟陽

徐廣曰徙都之今萬年是也。正義曰括地志云灤陽故城一名萬年城在雍州東北百二十里灤陽漢七年分灤陽城內為萬年縣隋文帝開皇二年遷都於龍首川今京城也改萬年為大興縣至唐武德元年又改曰萬年置在州東七里

四年正月庚寅孝公生十一年周太史儋見獻

公曰周故與秦國合而別別五百歲復合合七

十七歲而霸王出十六年桃冬花十八年兩金

灤陽正義曰言兩金於秦國都明金瑞見也二十一年與晉戰於石

門正義曰括地志云堯門山俗名石門在雍州三原縣西北三十三里上有路其狀若門故老云堯鑿金山為門因名之

武德年中於此山南置石門縣貞觀年中改為雲陽縣斬首六萬天子賀以黼

黻周禮曰白與黑謂之黻黼黑與青謂之黻二十二年與魏晉戰少梁虜

其將公孫痤正義在戈反二十四年獻公卒徐廣曰表云二十三年

秦紀

子孝公立索隱曰名渠梁年已二十一歲矣孝公元年徐廣

曰庚申也河山以東彊國六與齊威楚宣魏惠燕悼

韓哀趙成侯並淮泗之間正義曰並白浪反謂淮泗二水小國十

餘楚魏與秦接界正義曰楚北及魏西與秦相接北自梁州漢中郡南有巴渝過江南有黔

中巫郡也魏西界與秦相接南自華州鄭縣西北過渭水濱洛水東岸向北有上郡鄜州之地皆築長城以界秦境洛即

漆沮魏築長城自鄭濱洛以北有上郡楚自漢

中南有巴黔中周室微諸侯力政爭相併秦僻

在雍州不與中國諸侯之會盟夷翟遇之孝公

於是布惠振孤寡招戰士明功賞下令國中曰

昔我穆公自岐雍之間修德行武東平晉亂以

河為界

正義曰即龍門河也

西霸戎翟廣地千里天子致伯

諸侯畢賀為後世開業甚光美會往者厲蹀簡

公出子之不寧國家內憂未遑外事三晉攻奪

我先君河西地諸侯卑秦醜莫大焉獻公即位

鎮撫邊境徙治櫟陽且欲東伐復穆公之故地

脩穆公之政令寡人思念先君之意常痛於心

賓客羣臣有能出奇計彊秦者吾且尊官與之

分土於是乃出兵東圍陝城西斬戎之源王

地理

志天水有源道縣應劭曰源戎邑音柏

衛鞅聞是令下西入秦因景監

正義曰監甲暫反闡人也

求見孝公二年天子致胙三年衛鞅

說孝公變法脩刑內務耕稼外勸戰死之賞罰

孝公善之甘龍杜摯等弗然相與爭之卒用鞅

法百姓苦之居三年百姓使之乃拜鞅為左庶

長其事在商君語中七年與魏惠王會杜平正義

曰在同州澄城縣界也八年與魏戰元里正義曰祁城在同州澄城縣界有功

十年衛鞅為大良造將兵圍魏安邑降之地理志曰

河東有安邑縣。正義曰括地志云安邑故城在絳州夏縣東北十五里本夏之都十二年作為

咸陽正義曰括地志云咸陽故城亦名渭城在雍州咸陽縣東十五里京城北四十五里即秦公徙都之者今

咸陽縣古之杜郵白起死處築冀闕正義曰劉伯莊云冀闕即象魏也秦徙都之

并諸小鄉聚正義曰萬二千五百家為鄉聚猶村落之類也集為大縣縣一



令漢書百官表曰縣令長皆秦官萬戶以上為令秩千石至六百石減萬戶為長秩五百石至三百石皆有丞尉四

十一縣為田開阡陌索隱曰風俗通曰南北曰阡東西曰陌河東以東西為阡南北為陌

東地渡洛十四年初為賦徐廣曰制貢賦之法也索隱曰譙周云初為軍賦

也十九年天子致伯正義曰伯音霸又如字孝公十九年天子始封爵為霸即大史詹云

合七十七歲而霸王出之年故天子致伯相譚新論云夫上古稱三皇五帝而次有三王五伯此天下君之冠首也故言

三皇以道理而五帝用德化三王由仁義五伯以權智其說之曰無制令刑罰謂之皇有制令而無刑罰謂之帝賞善誅

惡諸侯朝事謂之王與兵約盟以信義矯世謂之伯二十年諸侯畢賀秦使公

子少官率師會諸侯逢澤徐廣曰開封東北有逢澤正義曰括地志云逢澤

亦名逢池在汴州浚儀縣東南十四里朝天子二十一年齊敗魏馬陵

正義曰虞喜志林云濮州鄄城縣東北六十餘里齊有馬陵澗谷深可以置伏按龐涓敗即此也二十二年

秦紀

衛鞅擊魏虜魏公子卬封鞅為列侯號商君正義

曰商州商洛縣在州東八十九里鞅所封也契所封地二十四年與晉戰鴈門索隱

曰紀年云與魏戰岸門此云鴈門恐聲誤也又下云敗韓岸門蓋一地也尋秦與韓魏戰不當遠至鴈門也○正義曰括

地志云岸門在許州長杜縣西北二十八里今名西武亭虜其將魏錯正義七孝公

卒子惠文君立索隱曰名駟是歲誅衛鞅鞅之初為

秦施法正義曰為于為反法不行太子犯禁鞅曰法之不

行自於貴戚君必欲行法先於太子太子不可

黥鯨其傅師於是法大用秦人治及孝公卒太

子立宗室多怨鞅鞅亡因以為反而卒車裂以

徇秦國漢書曰商君為法於秦戰斬一首賜爵一級欲為官者五千石其爵名一為公士二上造二簪裏四

不更五大夫六公大夫七官大夫八公乘九五大夫十左庶  
長十一右庶長十二左更十三中更十四右更十五少上造  
十六大上造十七駟車庶長十八  
大庶長十九關內侯二十徹侯  
惠文君元年楚韓趙

蜀人來朝二年天子賀二年王冠  
正義曰冠音館禮記云年二十

行冠禮也四年天子致文武胙齊魏為王  
索隱曰齊威王魏惠王五

年陰晉人犀首  
正義曰犀音西地理志云華陰縣故陰晉秦惠王五年更名寧秦高祖八年更

陰為大良造  
犀首官名姓公孫名衍。索隱曰官名若虎牙之類姓公孫名衍魏人也六年

魏納陰晉陰晉更名寧秦  
徐廣曰今之華陰也七年公子卬

與魏戰虜其將龍賈斬首八萬八年魏納河西

地九年渡河取汾陰皮氏  
地理志云二縣屬河東。正義曰渡河東取之括地

志云汾陰故城俗名鄆湯城在蒲州汾陰縣北也皮氏在絳州龍門縣西一里八十步即古皮氏城也與魏

秦紀

王會應

正義曰應乙陵反括地志云故應城因應山為名古之應國在汝州魯山縣東三十里左傳云邗晉

應韓武之穆也

圍焦降之

正義曰括地志云焦城在陝州城內東北百步因焦水為名周同姓所封左傳

云虞虢焦滑霍陽韓魏皆姬姓也杜預云八國皆為晉所滅按武王剋商封神農之後於焦而後封姬姓也

十年

張儀相秦魏納上郡十五縣

正義曰今郿綏等州也魏前納陰晉次納同丹

二州今納上郡而盡河西濱洛之地矣

十一年縣義渠

正義曰地理志云北地郡義渠道秦

縣也括地志云寧原慶三州秦北地郡戰國及春秋時為義渠戎國之地周先公劉不窋居之古西戎也

歸魏

焦曲沃

正義曰括地志云曲沃在陝州縣西南三十二里因曲沃水為名按焦曲沃二城相近本魏地適屬

秦今還魏故言歸也

義渠君為臣更名少梁曰夏陽十二年

初臘

正義曰臘盧盍反十二月臘日也秦惠文王始效中國為之故云初臘獵禽獸以歲終祭先祖因立此日

也風俗通云禮傳云夏曰嘉平躬曰清祀周曰蜡漢改曰臘禮曰天子大蜡八伊耆氏始為蜡蜡者索也歲十二月合聚

萬物而索饗之十三年四月戊午魏君為王韓亦為王正義

曰魏襄王韓宣惠王也使張儀伐取陝出其人與魏十四年

更為元年二年張儀與齊楚大臣會齧桑三年

韓魏太子來朝張儀相魏五年王游至北河徐廣

曰戎地在河上。正義曰按王游觀北河至靈夏州之黃河也七年樂池正義曰樂音岳池徒何反裴氏

音池也相秦韓趙魏燕齊帥匈奴共攻秦秦使庶

長疾與戰脩魚虜其將申差正義曰脩魚韓邑也年表云秦敗我脩魚得韓

將軍申差敗趙公子渴韓太子奐斬首八萬二千八

年張儀復相秦九年司馬錯伐蜀滅之索隱曰蜀西南夷舊

有君長故昌意娶蜀山氏女也其後有杜宇自立為王號曰望帝蜀王元年秦惠本紀曰張儀伐蜀蜀王開戰不勝為儀

所滅也。伐取趙中都西陽。地理志太原有中都縣。正義曰括地志云中都故縣在汾州。

平遙縣西十二里即西都也。西陽即中陽也。在汾州隰城縣南十里。地理志云西都中陽屬西河郡。此云伐取趙中都西

陽趙世家云秦即取我西都及中陽。年表云秦惠文王後元九年取趙中都西陽安邑趙武靈王十年秦取中都安陽本

紀世家年表其縣名異年歲寔同。所伐唯一處故具錄之以示後學。十年韓太子蒼來質

伐取韓石章。正義曰韓地名也。伐敗趙將泥。徐廣曰將一作莊。正義曰趙

將名也。伐取義渠二十五城。十一年擣里疾攻魏焦

降之。敗韓岸門斬首萬其將軍首走公子通封

於蜀。徐廣曰是歲王赧元年。索隱曰華陽國志曰赧王元年秦惠王封子通國為蜀侯以陳莊為相徐廣所

云亦據國志而言之。燕君讓其臣子之十二年王與梁王會

臨晉庶長疾攻趙虜趙將莊張儀相楚十三年

庶長章擊楚於丹陽虜其將屈匄斬首八萬又

攻楚漢中取地六百里置漢中郡楚圍雍氏秦

使庶長疾助韓而東攻齊到滿正義曰滿或作蒲秦將姓名也助

魏攻燕十四年伐楚取召陵丹犁臣蜀正義曰二戎號也臣

伏於蜀蜀相殺蜀侯并丹犁二國降秦在蜀西南桃府相壯

管內本西南夷戰國時蜀滇國唐初置犁州丹州也徐廣曰一作狀殺蜀侯來降惠王卒子武王立索隱曰名蕩韓魏

齊楚越徐廣曰一作趙皆賓從武王元年與魏惠王會臨

晉徐廣曰表云哀王。正義曰按魏惠王卒已二十五年矣誅蜀相壯張儀魏章

皆東出之魏伐義渠丹犁二年初置丞相應劭曰丞者承

也相也擗里疾甘茂為左右丞相張儀死於魏三

秦紀



年與韓襄王會臨晉外正義曰外謂臨晉城外外字一作水南公揭

卒擗里疾相韓武王謂甘茂曰寡人欲容車通

三川窺周室死不恨矣其秋使甘茂庶長封伐

宜陽正義曰在河南府福昌縣東十四里故韓城是也此韓之大郡伐取之三川路乃通也四年拔

宜陽斬首六萬涉河城武遂徐廣曰韓邑也。正義曰按此邑本屬韓近平

陽韓世家云貞子居平陽九世至哀侯徙鄭楚世家云而韓猶服事秦者以先王墓在平陽而秦之武遂去之七十里故

知近平陽魏太子來朝武王有力好戲力士任鄙烏

獲孟說皆至大官王與孟說舉鼎絕臙徐廣曰一作脉

○正義曰臙音頻忍反絕斷也臙脛骨也八月武王死皇覽曰秦武王冢在扶風安陵縣西北畢陌中

大家是也人以爲周文王冢非也周文王冢在杜中。正義曰括地志云秦悼武王陵在雍州咸陽縣西北十五里也

族孟說武王取魏女為后無子立異母弟是為

昭襄王索隱曰名則一名稷武王弟昭襄母楚人姓芊氏號宣

太后武王死時昭襄王為質於燕燕人送歸得

立昭襄王元年嚴君疾為相正義曰蓋封蜀郡嚴道縣因號嚴君疾名也

甘茂出之魏二年彗星見正義曰彗似歲反又先到反庶長壯

與大臣諸侯公子為逆皆誅及惠文后皆不得

良死徐廣曰迎婦於楚者悼武王后出歸魏三年王冠與楚

王會黃棘正義曰棘紀力反蓋在房襄二州也與楚上庸地理志漢中有上庸縣。正義

曰括地志云上庸今房州竹邑縣及金州是也四年取蒲坂正義曰括地志云蒲坂故城在蒲州河東

縣南二里即堯舜所都也彗星見五年魏王來朝應亭徐廣曰魏世家

二云會臨晉。正義應音乙陵反。復與魏蒲坂六年蜀侯輝反。索隱曰：輝音暉。華陽國志曰：秦封王子暉為蜀侯。祭歸於王後母。疾之加毒以進。王大怒，使司馬錯賜暉劍。此暉不同也。司

馬錯定蜀庶長奐伐楚斬首二萬涇陽君質於

齊。索隱曰：日食晝晦七年拔新城。正義曰：楚世家云：懷王二十九年秦

復伐楚大破楚軍。楚軍死二萬，殺我將軍景。缺年表云：秦敗我襄城，殺景，缺括地志云：許州襄城縣，即古新城縣也。按出

家年表則新字誤作襄字。擗里子卒八年使將軍辛戎攻楚取

新市。晉帝記曰：江夏有新市縣。齊使章子魏使公孫喜韓使暴

鳶共攻楚方城取唐昧。索隱曰：暴鳶，韓將姓名。趙破中山其

君丕竟死齊魏公子勁韓公子長為諸侯。索隱曰：別

封之邑比之諸侯猶九年孟嘗君薛文來相秦奐攻

商君趙長安君然

楚取八城殺其將景快十年楚懷王入朝秦秦

留之薛文以金受免正義曰金受秦丞相姓名免奪其丞相樓緩為丞

相十一年齊韓魏趙宋中山五國共攻秦正義曰蓋中山

此時屬趙故云五國也至鹽氏而還徐廣曰鹽一作監。正義曰

城在蒲州安邑縣按掌鹽池之官因稱氏秦與韓魏河北及封陵以和正義

曰年表云秦與魏封陵與韓武遂以和按河外陝虢曲沃等地封陵在古蒲坂縣西南河曲之中武遂平陽地也彗

星見楚懷王走之趙趙不受還之秦即死歸葬

十二年樓緩免穰侯正義曰括地志云穰鄧州所理縣即古穰侯國魏冉為

相予楚粟五萬石十三年向壽伐韓取武始地理

志魏郡有武始縣。正義曰括地志云武始故城在洛州武始縣西南十里左更白起攻新

秦紀

城

正義曰白起傳云白起為左庶長將兵擊韓之新城括地志云洛州伊闕縣本是漢新城縣隋文帝改為伊闕在洛

州南七十里

五大夫禮出云奔魏任鄙為漢中守

漢書百官

表曰郡守秦官

十四年左更白起攻韓魏於伊闕

正義曰括地志云伊

闕在洛州南十九里注水經云昔大禹疏龍門以通水兩山相對望之若闕伊水歷其間故謂之伊闕按今洛南猶謂之

龍門也

斬首二十四萬虜公孫喜拔五城十五年

大良造白起攻魏取垣

正義曰垣音袁前秦取蒲坂復以蒲坂與魏魏以為垣今

又取魏垣復與之後秦以為蒲坂皮氏

復予之攻楚取宛十六年左更

錯取軹及鄧

地理志河內有軹縣南陽有鄧縣。正義曰括地志云故軹城在懷州濟源縣東南十三

里故鄧城在懷州河陽縣西三十一里並六國時魏邑也按二城相連故云及也

毋免封公子市

宛公子悝鄧

索隱曰悝號高陵君初封於彭昭襄王弟也

魏毋陶為諸侯

十七年城陽君

正義曰括地志云濮州雷澤縣本漢郟陽縣古郟伯姬姓之國周武王封弟季

載於郟其後遷城之陽也

入朝及東周君來朝秦以垣為蒲坂

皮氏

索隱曰為當為易蓋字訛也。正義曰蒲坂今河東縣也皮氏故縣在絳州龍門縣西一里八十步

之宜陽十八年錯攻垣

正義曰蓋蒲坂皮氏又歸魏魏復以為垣今重攻取之也

雍決橋取之

徐廣曰及豕紀年云魏哀王二十四年改宜陽曰何雍改向曰高平向在軹之西

九年王為西帝齊為東帝皆復去之呂禮來自

歸齊破宋宋王在魏死温任鄙卒二十年

徐廣曰秦地有

父馬生駒

王之漢中又之上郡北河二十一年

徐廣曰有牡馬生牛

而錯攻魏河內魏獻安邑秦出其人募徙河東

賜爵赦罪人遷之涇陽君封紀二十二年蒙武

伐齊河東為九縣與楚王會宛與趙王會中陽

地理志西河有中陽縣

二十三年尉斯離

正義曰尉都尉斯離名也

與三晉

燕伐齊

索隱曰尉秦官斯離其姓名

破之濟西王與魏王會宜

陽與韓王會新城二十四年與楚王會鄢

正義曰鄢

於建反又音偃括地志云故偃城在襄州安養縣北三里古鄢子之國

又會穰秦取魏安

城

地理志云汝南有安城縣。正義曰括地志云安城在豫州汝陽縣東南十七里

至大梁燕趙

救之秦軍去魏冉免相二十五年拔趙二城與

韓王會新城與魏王會新明邑二十六年赦罪

人遷之穰侯冉復相二十七年錯攻楚赦罪人

遷之南陽

正義曰南陽及上遷之穰皆今鄧州也

白起攻趙取代光狼



注三之二十一 史記秦紀五

城正義曰括地志云光狼故城在澤州高平縣西二十里又使司馬錯發隴西因

蜀攻楚黔中正義曰黔中黔府也拔之二十八年大良造白

起攻楚取鄢郢正義曰鄢郢二城並在襄州赦罪人遷之二十

九年大良造白起攻楚取郢為南郡正義曰括地志云郢城在

荆州江陵縣東北六里楚平王築都之地也楚王走周君來王與楚王會

襄陵地理志何東有襄陵縣。正義曰括地志云襄陵在晉州臨汾縣東南三十五里土地十三州志云襄陵

晉大夫攀邑也白起為武安君正義曰言能撫養軍士戰必剋得百姓安集故號武安故城在

潞州武安縣西南五十里七國時趙邑即趙奢救闕與處也三十年蜀守若伐取巫

郡正義曰華陽國志張若為蜀中郡守括地志云巫郡在夔州東百里及江南為黔中郡

正義曰括地志云黔中故城在辰州沅陵縣西二十里江南今黔府亦其地也三十一年白起

秦紀

伐魏取兩城楚人反我江南

正義曰黔中郡反歸楚

三十二

年相穰侯攻魏至大梁破暴鳶斬首四萬鳶走

魏入三縣請和三十二年客卿胡傷攻魏卷

取之志何南有卷縣。正義曰卷音丘表反括地志云故卷城在鄭州原武縣西北七里即衡雍也蔡陽長社

取之地理志潁川有長社縣。正義曰括地志云蔡陽今豫州上蔡水之陽古城在豫州北七十里長社故城

在許州長社縣西一里皆魏邑也擊芒如華陽破之司馬彪曰華陽亭名在密縣。

索隱曰芒如魏將譙周云孟如也。正義曰括地志云故華城在鄭州管城縣南三十里國語云史伯對鄭桓公虢鄒十

邑華其一也華陽即此城也按是時韓趙聚兵於華陽攻秦即此矣斬首十五萬魏入南

陽以和徐廣曰何內脩武古曰南陽秦始皇更名何內屬魏地荆州之南陽郡本屬韓地。正義曰括地志

云懷獲嘉縣即古之南陽杜預云在晉州山南河北故曰南陽秦破芒外軍斬首十五萬魏入南陽以和三十

四年秦與魏韓上庸地為一郡南陽免臣遷居

之三十五年佐韓魏楚伐燕初置南陽郡正義曰今

鄧州也前已屬秦秦置南陽郡在漢水之北釋名云在中國之南而名陽地故以為名焉張衡南都賦云陪京之南居漢

陽三十六年客卿竈攻齊取剛壽正義曰括地志云故剛城在充

州襲丘縣界壽州之縣予穰侯三十八年中更胡傷攻趙闕

與孟東曰音焉與邑名在上黨涅縣西。正義曰闕於達反與音頤闕與聚城一名烏蘇城在潞州銅鞮縣西北二十

里趙奢破秦軍處又儀州和順縣即古闕與城亦云趙奢破秦軍處然儀州與潞州相近二所未詳又闕與山在潞州武

安縣西南五十里趙奢拒秦軍於闕與即山北也按闕與山在武安故城西南又近武安故城蓋儀州是所封故地不

能取四十年悼太子死魏歸葬芷陽徐廣曰今霸陵。正義曰

括地志云芷陽在雍州藍田縣西六里三秦記云鹿原東有霸川之西坂故芷陽也四十一年夏攻

秦紀

魏取邢丘懷

徐廣曰邢丘在平臯駟案韓詩外傳武王伐紂到于邢丘勒兵於甯更名邢丘曰懷甯曰

脩武。正義曰括地志云平臯故城本邢丘邑漢置平臯縣在懷州武德縣東南二十里故懷城周之懷邑在懷州武陟

縣西十一里四十二年安國君為太子十月宣太后薨

徐廣曰葬正陽鄠山正義曰鄠力知反在雍州新豐縣南十四里也九月穰

侯出之陶四十三年武安君白起攻韓拔九城

斬首五萬四十四年攻韓南郡取之四十五年

五大夫賁正義曰音奔五大夫官疑賁名也攻韓取十城葉陽一云華陽

正義葉車涉反惺出之國未至而死四十七年秦攻韓

上黨上黨降趙秦因攻趙趙發兵擊秦相距秦

使武安君白起擊大破趙於長平四十餘萬盡

殺之四十八年十月韓獻垣雍司馬彪曰河南卷縣有垣雍城秦

軍分為三軍武安君歸王齮將伐趙武安皮牢

拔之司馬梗北定太原盡有韓上黨正月兵罷

復守上黨其十月五大夫陵攻趙邯鄲四十九

年正月益發卒佐陵陵戰不善免王齮代將其

十月將軍張唐攻魏為蔡尉正義曰為于為反蔡姓尉名捐弗

守還斬之五十年十月武安君白起有罪為士

伍遷陰密如溥曰嘗有爵而以罪奪爵皆稱士伍。正義曰括地志云陰密故城在涇州鶉觚縣西即古

密須國也張唐攻鄭拔之十二月益發卒軍汾城旁

正義曰括地志云臨汾故城在絳州正平縣東北二十五里即古臨汾縣城也按汾城即此城是也武安君

秦紀

白起有罪死齷攻邯鄲不拔去還奔汾軍二月

餘攻晉軍斬首六千晉楚流死河二萬人徐廣曰楚一作

走。正義曰按此時無楚軍走字是也攻汾城即從唐拔寧徐廣曰一作曼此趙邑也

○正義曰唐今晉州平陽堯都也括地志云寧新中七國時魏邑秦昭襄王拔魏寧新中更名安陽城即今相州外城是

也新中寧新中更名安陽徐廣曰魏郡有安陽縣○正義曰今相州外城古安

陽城初作河橋正義曰此橋在同州臨晉縣東度河至蒲州今蒲津橋也五十一年將

軍搆攻韓取陽城負黍正義曰今河南府縣也負黍亭在陽城縣西南二十五里

本周邑亦時屬韓也斬首四萬攻趙取二十餘縣首虜九萬

西周君正義曰武公背秦與諸侯約從將天下銳兵出

伊闕攻秦令秦毋得通陽城於是秦使將軍搆

攻西周西周君走來自歸頓首受罪盡獻其邑

三十六城口二萬秦王受獻歸其君於周五十

二年周民東云其器九鼎入秦正義曰器謂寶器也禹貢金九牧鑄鼎於

荆山下各象九州之物故言九鼎歷於至周赧王十周初

云五十二年天下來賓魏後秦使摎伐魏取吳

城徐廣曰在大陽。正義曰括地志云廣城故城在陝州河北縣東北五十里虞山之上亦名吳山周武王封弟虞仲

於周之北故夏墟韓王入朝魏委國聽令五十四

年王郊見上帝於雍五十六年秋昭襄王卒子

孝文王立索隱曰名柱五十二而立立尊唐八子為

唐太后徐廣曰八子者妾媵之號姓唐。正義曰孝文王之母也先死故尊之晉灼云除皇后自昭儀以下

秦紀



秩至百石凡十四等漢書外戚傳云八子視千石比中更而合其葬於先王正義曰以其母

唐太后與昭王合葬韓王衰經入平祠諸侯皆使其將相來

平祠視喪事孝文王元年赦罪人修先王功臣

褒厚親戚施苑囿孝文王除喪十月己亥即位

三日辛丑卒子莊襄王立索隱曰名子楚三十二而立立四年卒葬陽陵子始

皇帝莊襄王元年大赦罪人修先王功臣施德厚

骨肉而布惠於民東周君與諸侯謀秦秦使相

國呂不韋誅之盡入其國秦不絕其祀以陽人

地地理志河南梁縣有陽人聚賜周君奉其祭祀使蒙鵠伐韓

韓獻成臯鞏正義曰括地志云洛州汜水縣古之虢國亦鄭之制邑又名虎牢漢之成臯鞏恭竦

反今洛州鞏縣爾時秦滅東周韓亦得其地又獻於秦

秦界至大梁初置三川

郡

韋昭曰有河洛伊故曰三川駟案地理志漢高祖更曰河南郡

二年使蒙驁攻趙定

太原三年蒙驁攻魏高都汲

徐廣曰一作汲汲縣亦在河內。正義曰

汲音急括地志云高都故城今澤州是汲故在衛州所理汲縣西南二十五里孟康云漢汲縣今郟城是也括地志云故

郟城在懷州河內縣西三十二里左傳云蘇忿生七十二邑郟其一也

拔之攻趙榆次新

城狼孟

正義曰括地志云榆次并州縣即古榆次地也新城一名小平城在朔州善陽縣西南四十七里狼

孟故城在并州陽曲縣東北二十六里按取三十七城并代胡三州之地矣

取二十七城四

月日食四年王齮攻上黨

正義曰上黨又反秦故攻之

初置太

原郡

正義曰上黨以北皆太原地即上三十七城也

魏將無忌率五國兵擊

秦

正義曰信陵君也率燕趙韓楚魏之兵擊秦也

秦却於河外

正義曰蒙驁被五國兵敗遂解

而却至於河外河  
外陝華二州也  
蒙驁敗解而去五月丙午莊襄

王卒子政立是為秦始皇帝  
索隱曰十三而立立三十七年崩葬鄠邑子二

世皇秦王政立二十六年初并天下為三十六

郡號為始皇帝始皇帝五十一年而崩子胡亥

立是為二世皇帝  
索隱曰十二而立紀云二十一立三

一十七歲此實本紀而三年諸侯並起叛秦趙高殺  
註別舉之以非本文耳

二世立子嬰子嬰立月餘諸侯誅之遂滅秦其

語在始皇本紀中

太史公曰秦之先為嬴姓其後分封以國為姓

有徐氏郟氏莒氏終黎氏  
徐廣曰世本作鍾離應劭曰姓氏註云有姓終黎者

是運奄氏菟裘氏將梁氏黃氏江氏脩魚氏白  
冥氏蜚廉氏秦氏然秦以其先造父封趙城為  
趙氏

索隱述疑曰

栢翳佐舜

皂游是旌

蜚廉事紂

石椁斯營

造父善馭

封之趙城

非子息馬

厥號秦嬴

禮樂射御

西垂有聲

襄公救周

始命列國

金祠白帝

龍祚水德

祥應陳寶

妖除豐特

里奚致霸

衛鞅任刻

厥后吞并

卒成凶慝

史捌仟伍伯陸拾陸字

註壹萬玖伯壹拾貳字

秦本紀第五

史記五

秦本紀第五

史記卷之三

史記卷之三

史記卷之三

史記卷之三

秦紀

秦始皇本紀第六

史記六

秦始皇帝者秦莊襄王子也

索隱曰莊襄王者孝文王之中子昭襄王之孫

也名子楚按戰國策本名子異後為華陽夫人嗣夫人楚人因改名子楚也

莊襄王為秦質

子於趙

正義曰質音致國疆欲待弱之來相事故遣子及貴臣為質如音國弱懼其侵伐令子及貴臣往

鄭交質王子狐為質於鄭鄭亦為交質音致左傳云周

見呂

不韋媼悅而取之

索隱曰按不韋傳云不韋陽翟大賈也其媼邯鄲豪家女善歌舞有娠而

獻於子楚

生始皇以秦昭王四十八年正月生於邯

鄲及生名為政姓趙氏

徐廣曰一作正宋忠云以正月旦生故名正。索隱曰系

本作政又生於趙故曰趙政一曰秦與趙同祖以趙城為榮故姓趙氏。正義曰正音政周正建子之正也始皇以正月

曰生於趙因為政後以始皇諱故音征

年十二歲莊襄王死政代立為



秦王當是之時秦地已并巴蜀漢中越宛有郢  
 置南郡矣北收上郡以東有河東太原上黨郡  
 東至滎陽滅二周置三川郡呂不韋為相封十  
 萬戶號曰文信侯招致賓客游士欲以并天下  
 李斯為舍人文穎曰主廐內小吏官多也蒙騫王齮  
 徐廣曰一作齮。索隱曰蒙騫齊人蒙武之父蒙恬之祖王  
 齮即王騎昭王二十九年大夫陵伐趙者。正義曰齮魚  
 綺反劉伯莊云音綺後同鹿公等為將軍應劭曰鹿秦邑。索隱曰  
名。正義曰鹿彼苗反蓋秦  
之縣邑大夫稱公若楚制王年少初即位委國事

### 大臣晉陽反

元年將軍蒙騫擊定之

秦始皇帝紀

二年庶公將卒攻卷

正義曰將子匠反卒子必反卷兵員反

斬首三萬

三年蒙鰲攻韓取十三城王齮死十月將軍蒙

鰲攻魏氏暘有詭

徐廣曰暘音場。索隱曰音暢魏之邑名

歲大飢

四年拔暘有詭三月軍罷秦質子歸自趙趙太

子出歸國十月庚寅蝗蟲從東方來蔽天天下

疫百姓內粟千石拜爵一級

五年將軍鰲攻魏定酸棗

地理志陳留縣有酸棗縣。正義曰括地志云酸棗故

城在滑州酸棗縣北十五里古酸棗縣南

燕虛長平

徐廣曰一作千駟案地理志汝南有長平縣也。索

隱曰二邑名春秋桓十二年會于虛又戰國策曰拔燕酸棗虛桃人桃人亦魏邑虛地今闕蓋與諸縣相近按今東郡燕

縣東三十里有故桃城則亦非遠。正義曰燕烏田反括地志云南燕城古燕國也滑州昨城縣是也姚虛在濮州雷澤

縣東十三里孝經援神契云帝舜生於姚墟即雍丘山陽

東郡也長平故城在陳州宛丘縣西六十六里

初置東郡冬雷

六年韓魏趙衛楚共擊秦取壽陵正義曰徐廣云在常山按

本趙邑也秦出兵五國兵罷拔衛迫東郡其君角率

其支屬徙居野王阻其山以保魏之河內

七年彗星先出東方見北方五月見西方正義曰彗音似

歲反見並音行練反孝經內記云彗出北斗兵大起彗在二

台臣害君彗在太微君害臣彗在天獄諸侯作亂所指其處

大惡彗在日將軍驚死以攻龍孤慶都徐廣曰慶父

旁子欲殺父曰括地志云定州恒陽縣西南四十里有白龍水又有挾龍

秦始皇帝紀

望堯母慶都所居張晏云堯山在北堯母慶都山在南相去五十里北登堯山南望慶都山也注水經云望都故城東有山不連陵名之曰孤孤都聲相近疑即都山孤山及望都故城三處相近

還兵攻汲彗星復

見正義復扶富反見行見反

西方十六日夏太后死

索隱曰莊襄王所生母。

正義曰子焚母也

八年王弟長安君成蟜

正義曰蟜音紀兆反成蟜者長安君名也號為長安君

將軍擊趙反

正義曰將如字將猶領也又子匠反

死屯留

正義曰括地志云屯留故

城在潞州長子縣東北三十里漢屯留吁國也

軍吏皆斬死遷其民於臨洮

正義曰臨洮水故名臨洮洮州在隴右去京千五百五十里言屯留之民被成蟜略眾共反故遷之於臨洮郡

將

軍壁死

正義曰壁邊覓反言成蟜自殺壁壘之內

卒屯留蒲鶮反戮其

屍

徐廣曰鶮一作鶮屯留蒲鶮皆地名也壁於此地時士卒死者皆戮其屍。索隱曰臨洮在隴西高誘云屯留上黨

之縣名謂成嶠為將軍而反秦兵擊之而嶠壁於屯留而死  
屯留蒲鶮二邑之反卒雖死猶皆戮其屍鶮古鶴字。正義

曰卒子忽反鶮音高。河魚大上。索隱曰謂河水溢魚大上  
注同蒲鶮皆地名。平地亦言遭水害也。即漢

書五行志劉向所謂豕蟲之孽明年嫪毐誅魚陰類小人象  
。正義曰始皇八年黃河之魚西上入渭渭水也漢書五行

志云魚者陰類臣民之象也十七年滅韓二十六年盡并天  
下自滅韓至并天下蓋十年矣周本紀云十年數之紀也天

下之所棄不過其紀明關。輕車重馬東就食。徐廣曰  
東後屬秦其象類先見也。無此

重字。索隱曰言河魚大上秦人皆輕車重馬並就食於東  
言往河旁食魚也。一云河魚大上為火人遂東就食皆輕車

重馬。嫪毐。正義上躬虬。封為長信侯子之山陽地  
而去。反下酷改反。姓毒字按

正義曰子音與括地志云山陽故城。令毒居之。索隱曰嫪  
在懷州修武縣西北太行山東南。姓毒字按

漢書嫪毐氏出邯鄲王劭云賈侍中說秦始皇  
母子嫪毐淫坐誅故世人罵淫曰嫪毐也。宮室車馬衣

服苑囿馳獵恣毒事無小大皆決於毒又以河

秦始皇帝紀

西徐廣曰河一作汾

太原郡更為毒國

九年彗星見或竟天攻魏垣蒲陽

正義垣作垣垣音素括地志云

故垣城漢縣治本魏王垣也在絳州垣縣西北二十里蒲邑故城在隰州縣北四十五里在蒲水之北故言蒲陽即晉公

子重耳所居邑也

四月上宿雍

蔡邕曰上者尊位所在也裴駘云司馬遷記事當言帝則依違

但言上不敢媒言尊尊之意也

己酉王冠帶劍

徐廣曰年二十二。正義曰冠音灌禮記云年

二十而冠按

長信侯毒作亂而覺矯王御璽

蔡邕曰御

者進也凡衣服加於身飲食入於口妃妾接於寢皆曰御御之親愛者曰幸玺者印信也天子玺白玉螭虎鈕古者尊卑

共之月令曰固封玺左傳曰季武子玺書追而与之此諸侯大夫印稱玺也衛宏曰秦以前民皆以金玉為印龍虎鈕唯

其所好秦以來天子獨以印稱玺又獨以玉羣臣莫敢用。正義曰崔浩云李斯磨和璧作之漢諸帝世傳服之謂傳國

玺章曜吳書云玺方四寸上勾交五龍文曰受命于天既壽永昌漢書云文曰昊天上帝壽昌按二文不同漢書元

后傳云王莽令王舜逼太后取玺王太后怒投地其角小缺  
吳志云孫堅入洛陽除漢陵廟軍於甄官井得玺後歸魏晉  
懷帝永嘉五年六月帝蒙塵平陽玺入前趙劉聰至東晉成  
帝咸和四年石勒滅前趙得玺穆帝永和八年石勒為慕容  
俊滅濮陽太守戴施入鄴得玺使何融送晉傳宋宋傳南齊  
南齊傳梁梁傳至天正二年侯景破梁至廣陵北齊將辛術  
定廣陵得玺送北齊至周建德六年正月平北齊玺入周周傳隋隋傳唐也

縣卒正義子忽反下同及衛卒官騎戎翟君公舍又將欲

攻斬年宮為亂地理志斬年宮在雍。正義曰斬巨衣反括地志云斬年宮在岐州城西故城

內王知之令相國昌平君昌文君發卒攻毒索隱

曰昌平君楚之公子立以為相後徙於郢項正義曰斬巨衣戰咸陽正義曰括

燕立為荆王史失其名昌平文君亦不知也地志云咸陽故城亦名渭城在雍州北五里今咸陽縣東十五里秦孝公已下並都此城始皇鑄金人十二於咸陽即此

也斬首數百皆拜爵及官者皆在戰中亦拜爵

秦始皇帝紀



一級毒等敗走即令國中有生得毒賜錢百萬

殺之五十萬盡得毒等衛尉竭漢書百官表曰衛尉秦官內史

肆佐弋竭漢書百官表曰秦時少府有佐弋漢武帝改爲佺飛掌弋射者正義弋音翊中大

夫令齊等正義曰令力政反中大二十人皆梟首首縣

於木上曰梟。正義曰梟古堯反懸首於木上曰梟車裂以徇滅其宗正義曰說苑云秦始

皇太后不謹幸郎嫪毐始皇取毒四支車裂之取兩弟撲殺之取太后遷之咸陽宮下令曰以太后事諫者戮而殺之疾

藜其脊諫而死者二十七人茅焦乃上說曰齊客茅焦願以太后事諫皇帝曰走告若不見闕下積死人耶使者問焦焦

曰陛下車裂假父有嫉妬之心囊撲兩弟有不慈之名遷母咸陽有不孝之行蒺藜諫士有桀紂之治天下聞之盡瓦解

無向秦者王乃自迎太后歸咸陽立茅焦為傳又爵之上御括地志云茅焦滄州人也及其舍人輕

者為鬼薪應劭曰取薪給宗廟為鬼薪也如淳曰律說鬼薪作三歲正義曰言毒舍人罪重者已刑戮

輕者罰徒  
役三歲

及奪爵遷蜀四千餘家家房陵

正義曰括地志

云房陵即今房州房陵縣古楚漢中郡地也是巴蜀之境地理志云房陵縣屬漢中郡在益州部接東南一千三百一十里

也四月寒凍有死者

正義曰四月建巳之月孟夏寒凍民有死者以秦法酷急則天應之

而史書之故尚書洪範云急常寒若孔注云君行急則常寒順之

楊端和攻衍氏

索隱曰端

和秦將衍氏魏邑。正義曰衍羊善反在鄭州

彗星見西方又見北方從斗

以南八十日

十年

徐廣曰甲子

相國呂不韋坐嫖毒免桓齮為將

軍齊趙來置酒齊人茅焦說秦王曰秦方以天

下為事而大王有遷母太后之名恐諸侯聞之

由此倍秦也秦王乃迎太后於雍而入咸陽

說苑

秦始皇帝紀

曰始皇帝立茅焦為傅又爵之上卿太后大喜曰天下亢復直使敗復成安秦社稷使妾母子復相見者茅君之力也

居甘泉宮徐廣曰表云咸陽南宮也大索逐客李斯上書說乃

止逐客令李斯因說秦王請先取韓以恐他國

於是使斯下韓韓王患之與韓非謀弱秦大梁

人尉繚來說秦王曰以秦之彊諸侯譬如郡縣

之君臣但恐諸侯合從翕而出不意此乃智伯

夫差潛王之所以亡也願大王毋愛財物賂其

豪臣以亂其謀不過亡三十萬金則諸侯可盡

秦王從其計見尉繚元禮衣服食飲與繚同繚

曰秦王為人蜂準徐廣曰蜂一作隆正義曰蜂字逢反準章允反蜂蠆也高阜也文穎曰

也准鼻

長目擊鳥膺

正義曰鷲鳥鷓膺突向前其性悍勇

豺聲少恩而

虎狼心居約易出人下

正義曰易以政反言始皇居儉約之時易以謙卑

得

志亦輕食人

正義曰言始皇得天下之志亦輕易而啖食於人

我布衣然見

我常身自下我誠使秦王得志於天下天下皆

為虜矣不可與久游乃亡去秦王覺固止以為

秦國尉

正義曰若漢太尉大將軍之比也

卒用其計策而李斯用

事

十一年王翦桓齮楊端和攻鄴取九城王翦攻

閼與燎揚

徐廣曰燎音老在并州。正義曰漢表在清州志云轅陽上黨西北百八十里也皆

并為一軍翦將十八日軍歸斗食以下

漢書百官表曰百石

秦始皇本紀

以下有斗食佐史之秩。正義曰一曰得斗粟為料。什推二人從軍。索隱曰言王翦為將軍中

皆歸斗食以下无功佐史。什中唯擇二人令從軍耳。取鄴安陽桓齮將。

十二年文信侯不韋死竊葬。索隱曰按不韋飲鴆死其實客數千人竊

共葬於洛陽北芒山。其舍人臨者晉人也逐出之。正義曰臨力禁反臨哭也

若是三晉之人。秦人六百石以上奪爵遷。正義曰上音時掌反

若其秦人哭臨者奪其官爵。遷移於房陵。五百石以下不臨遷。勿奪爵。正義

曰若其秦人不哭臨不韋者。自今以來操國事不道。

如嫪毐不韋者籍其門視此。徐廣曰門一作文。索隱曰謂籍及其一門皆

為徒隸後並視此為常。正義曰籍錄其子孫禁不得仕官。秋復嫪毐舍人遷蜀。

者當是之時天下大旱六月至八月乃雨。

十二年桓齮攻趙平陽

正義曰括地志云平陽故城在相州臨漳縣西二十五里

又云平陽戰國時屬韓後屬趙

殺趙將扈輒

正義曰扈音戶輒張獵反趙之將軍

斬首

十萬王之河南正月彗星見東方十月桓齮攻

趙

十四年攻趙軍於平陽取宜安

正義曰括地志云宜安故城在常州景城

縣西南二十五里也

破之殺其將軍桓齮定平陽武城

正義曰即

貝州武成縣外城是也七國時趙邑

韓非使秦秦用李斯謀留非非

死雲陽

正義曰括地志云雲陽城在雍州雲陽縣西八十里秦始皇甘泉宮在焉

韓王請為

臣

十五年大興兵一軍至鄴一軍至太原取狼孟

秦始皇帝紀

地理志太原有狼孟縣地動

十六年九月發卒受地韓南陽假守正義曰假格雅反守音符

騰初令男子書年魏獻地於秦秦置麗邑正義曰麗

力知反括地志云雍州新豐縣本周時驪戎邑左傳云晉獻公伐驪戎杜注云在京北新豐縣其後秦滅之以為邑

十七年內史騰攻韓得韓王安盡納其地正義曰韓

王安之九年秦盡滅之以其地為郡命曰潁川地動華陽太

后卒民大飢

十八年徐廣曰巴郡出大人長二十五丈六尺大興兵攻趙王翦將上

地正義曰上都上縣今綏州等是也下井陘服虔曰山名在常山今為縣音刑端和將

河內羌羗伐趙端和圍邯鄲城



十九年王翦羌瘃

正義胡罪反

盡定取趙地東陽得

趙王

索隱曰趙王遷也。趙地至平陽平陽在貝州歷亭縣界遷王於房陵

正義曰趙幽繆王遷八年秦取

引兵欲攻燕屯中山秦王之邯鄲諸嘗與王生

趙時母家有仇怨皆阬之秦王還從太原上郡

歸始皇帝母太后崩趙公子嘉率其宗數百人

之代自立為代王東與燕合兵軍上谷大飢

二十年燕太子丹患秦兵至國恐使荆軻刺秦

王秦王覺之體解

正義紅買反

軻以徇而使王翦卒

勝攻燕燕代發兵擊秦軍秦軍破燕易水之西

二十一年王賁

正義音奔

攻薊乃益發卒誼去翦軍

遂破燕太子軍取燕薊城得太子丹之首燕王

東收遼東而王之

正義王于放反

王翦謝病老歸新鄭反

昌平軍徙於郢大雨雪

正義兩于遇反

深二尺五寸

二十二年王賁攻魏引河溝灌大梁大梁城壞

其王請降

索隱曰魏王假也

盡取其地

二十二年秦王復召王翦彊起之使將擊荆

曰秦號楚為荆以莊襄王名子楚諱之故言荆也

取陳以南至平輿

地理志汝南有平輿

縣正義曰輿音餘平輿豫州縣也楚淮北之地盡入於秦

虜荆王

索隱曰荆王負芻也楚稱荆者以避

莊襄王諱故稱荆

秦王游至郢陳荆將項燕立昌平君為

荆王反秦於淮南

徐廣曰淮一作江正義曰昌平也楚淮北之地盡入於秦

二十四年王翦蒙武攻荆破荆軍昌平君死項

燕遂自殺

二十五年大興兵使王賁將攻燕遼東得燕王

喜

正義曰燕王喜之五十二年燕亡

還攻代虜代王嘉王翦遂定荆

江南地

正義曰言王翦遂平定楚及江南地降越君置為會稽郡

降越君

正義曰降閩江反楚

威王已滅其餘自稱君長今降秦

置會稽郡五月天下大酺

酺服虔曰酺音蒲

文穎曰酺周禮族師掌春秋祭酺為人物火害之神蘇林曰陳留俗三月上巳水上飲食為酺。正義曰天下歡樂大飲

酒也秦既平韓趙魏燕楚五國故天下大酺也

二十六年齊王建與其相后勝

正義音升齊相姓名

發兵守

其西界不通秦秦使將軍王賁從燕南攻齊得

齊王建

索隱曰六國皆滅也十七年得韓王安十九年得趙王遷二十二年魏王假降二十三年虜荆王負

芻二十五年得燕王喜二十六年得齊王建。正義曰齊王建之二十四年齊國亡。

秦初并天下

令丞

正義曰令力政反乃今之赦令赦書

相御史曰異日韓王納地

效璽

正義曰效猶至見

請為藩臣已而倍約與趙魏合

從畔秦故與兵誅之虜其王寡人以爲善庶幾

息兵革趙王使其相李牧來約盟故歸其質子

正義曰質音致

已而倍盟反我太原故與兵誅之得其王

趙公子嘉乃自立爲代王故舉兵擊滅之魏王

始約服入秦已而與韓趙謀襲秦秦兵更誅遂

破之荆王獻青陽以西

漢書鄒陽傳曰越水長沙還舟青陽張晏曰青陽地名蘇

林曰青陽長沙縣是也

已而畔約擊我南郡故發兵誅得其

王遂定其荆地燕王昏亂其太子丹乃陰令荆

軻為賊兵吏誅滅其國齊王用后勝計絕秦使

欲為亂兵吏誅虜其王平齊地寡人以眇眇之

身與兵誅暴亂賴宗廟之靈六王咸伏其辜天

下大定今名號不更無以稱成功傳後世其議

帝號丞相綰御史大夫劫

漢書百官表曰御史大夫秦官應劭曰侍御史之率

故稱大夫也。索隱曰綰姓王劫姓馮

廷尉斯等

漢書百官表曰廷尉秦官應劭曰聽獄必質諸朝廷

與眾共之兵獄同制故稱廷尉

皆曰昔者五帝地方千里其外侯

服夷服諸侯或朝或否天子不能制今陛下

蔡邕

曰陞階也所由升堂也天子必有近臣立於陞側以戒不虞謂之陛下者羣臣與天子言不敢指斥故呼在陛下者與之言因卑達尊之意也上書亦如之

為郡縣正義曰郡人法令由一統自上古呂來未

嘗有五帝所不及臣等謹與博士議曰漢書百官表曰

博士秦官古有天皇有地皇有泰皇索隱曰按天皇地皇之下即云

泰皇當人皇也而封禪書云昔者太帝使素女鼓瑟而悲蓋三皇已前稱泰皇一云泰皇太昊也泰皇最

貴臣等昧死上尊號王為泰皇命為制令為詔

蔡邕曰制書帝者制度之命也其文曰制詔詔書詔告○正義曰今音力政反制詔三代無文秦始有之天子

自稱曰朕蔡邕曰朕我也古者上下共稱之貴賤不嫌則

屈原曰朕皇考至秦然後天子獨以為稱漢因而不改王曰去泰正義曰去音立呂反著皇

采上古帝位號號曰皇帝他如議制曰可蔡邕曰羣臣有

所奏請尚書令奏之下有追尊莊襄王為太上皇漢

司曰制天子答之曰可制曰朕聞太古有號毋謚中古有

祖尊父曰太上號死而以行為謚如此則子議父臣議君也甚

皇亦放此也無謂朕弗取焉自今已來除謚法謚法周公所朕為始

皇帝後世以計數正義色主反二世三世至于萬世傳

之無窮始皇推終始五德之傳鄭玄曰音亭傳索隱曰音張戀反

傳次也謂五行之德始終相次也漢書郊祀志曰以為周

得火德秦代周德從所不勝正義曰勝申證反秦以周為火德能滅火者水

也故稱從其方今水德之始索隱曰封禪書曰秦文公所不勝於秦始獲黑龍以為水瑞秦皇因

秦始皇紀



自謂為改年始朝賀正義曰周以建子之月為正秦以建亥之月為正故其年始用十月而朝

賀皆自十月朔衣服旄旌節旗正義曰旄音精旄音毛旗音其周禮云析

羽為旌熊虎為旗旄節者編毛為之以象竹節漢書云蘇武執節在匈奴牧羊節毛蓋落是也韋昭云節者山國用人節澤國用龍節皆以金為之道路以旌節

門關用符節都鄙用管節皆用竹為之皆上黑正義曰以水德屬北

方故上黑數以六為紀符法冠皆六寸而輿六尺六

尺為步乘六馬張晏曰水北方黑終數六故以六寸為符六尺為步贊曰水數六故以六為名

譙周曰步以人足為數非獨秦制然。索隱曰管子司馬法皆云六尺為步譙周以為步以人足非獨秦制又按禮記王制曰古者八尺為步今以周尺六尺四寸為步步之尺數亦不同

更名河曰德水以為

水德之始剛毅戾深事皆決於法刻削毋仁恩

和義然後合五德之數索隱曰水主陰陰刑殺故急法刻削以合五德之數於

是急法久者不赦丞相紹等言諸侯初破燕齊

荆地遠不為正義于偽反置王母以填之請立諸子唯

上幸許始皇下其議於羣臣羣臣皆以為便廷

尉李斯議曰周文武所封子弟同姓甚眾然後

屬䟽遠相攻擊如仇讎諸侯更相誅伐周天子

弗能禁止今海內賴陛下神靈一統皆為郡縣

諸子功臣以公賦稅重賞賜之甚足易制天下

無異意正義易音以職反則安寧之術也置諸侯不便始

皇曰天下共苦戰鬪不休以有侯王賴宗廟天

下初定又復立國是樹兵也而求其寧息豈不

難哉廷尉議是分天下以為三十六郡者三十六郡

東南陽南郡九江鄣郡會稽潁川碭郡泗水薛郡東郡琅邪齊郡上谷漁陽右北平遼西遼東代郡鉅鹿邯鄲上黨太原

雲中九原鴈門上郡隴西北地漢中巴郡蜀郡黔中長沙凡三十五與內史為三十六郡。正義曰風俗通云周制天子

方千里分為百縣縣有四郡故左傳云上大夫受縣下大夫受郡秦始皇初置三十六郡以監縣也郡置守

尉監漢書百官表曰秦郡守掌治其郡有丞尉掌佐守典武職甲卒監御史掌監郡更名民曰

黔首應劭曰黔亦黎黑也大酺收天下兵應劭曰古者以銅為兵聚之咸

陽銷以為鍾鐻徐廣曰音巨金人十二重各千石正義

曰漢書五行志云二十六年有大人長五丈足履六尺皆夷狄服凡十二人見于臨洮故銷兵器鑄而象之謝承後漢書

云銅人翁仲其名也三輔舊事云聚天下兵器鑄銅人十二各重二十四萬斤漢世在長樂宮門魏志董卓傳云推破銅

人十及鐘鐻以鑄小錢關中記云董卓壞銅人餘二枚徙清門裏魏明帝欲將詣洛載到霸城重不可致後石季龍徙之

歎符堅又徙入長安而銷之英雄記云昔大  
人見臨洮而銅人鑄至董卓而銅人毀也 置廷宮中一

法度衡石丈尺車同軌書同文字地東至海暨

朝鮮正義曰暨其記反朝音朝鮮音仙海謂渤海南至揚

高驪治平壤城本漢樂浪郡王險城即古朝鮮也 西至臨洮羌中正義曰洮吐

云臨洮郡即今洮州亦古西羌之地在京西千五百五十  
一里羌中從臨洮西南芳州扶松府以西並古諸羌地也南

至北嚮戶吳都賦曰開北戶以向日劉逵曰北據河為

塞並陰山至遼東地理志西河有陰山縣。正義曰塞

北黃河陰山在朔州北塞外從河先代反並日浪反謂靈夏勝等州之

傍陰山東至遼東築長城為北界徙天下豪富於咸

陽士一萬戶諸朝及章臺上林皆在渭南秦每  
破諸侯寫放其宮室作之咸陽北阪上徐廣曰在

秦始皇帝紀

漢武時別名渭城。正義曰今咸陽縣北阪上。正南臨渭自雍門。徐廣曰在高陵。正義曰今

岐州雍縣東。以東至涇渭殿屋複道周閣相屬。正義曰今

屬之欲反廂記云北至九變甘泉南至長楊五柞東至河西。至汧渭之交東西八百里離宮別館相望屬也。木衣綿繡土

被朱紫宮人不徒窮年忘歸猶不能遍也。所得諸侯美人鍾鼓以充入之。

正義曰三輔舊事云始皇表河以為秦東門表汧以為秦西門表中外殿觀百四十五後宮列女萬餘人氣上衝于天。

二十七年始皇巡隴西。正義曰隴西今隴右北地。正義曰今出

雞頭山。正義曰括地志云雞頭山在成州上祿縣東北二十里。在西南九百六十里。酈元云蓋大隴山異

名也。後漢書隗囂傳云王猛塞雞頭即此也。按原州高縣西百里亦有笄頭山在京西北八百里黃帝雞山之所。過

回中焉。應劭曰回中在安定高平孟康曰回中在北地。正義曰括地志云回中宮在雍州西四十里言始

皇欲西巡隴西之北從咸陽向西北出寧州西。南行至成州出雞頭山東還過岐州回中宮。作信宮渭

南已更命信宮為極廟象夫極索隱曰為宮廟象天極故曰極廟天

官書曰中宮曰天極是也自極朝道通鄠山作甘泉前殿築甬

道應劭曰築垣牆如街巷○正義曰築音竹甬音勇自咸應劭云謂於馳道外築牆天子於中行外人不見

陽屬之是歲賜爵一級治馳道應劭曰馳道天子道也道若今之中

道然漢書賈山傳曰秦為馳道於天下東窮燕齊南極吳楚江湖之上濱海之觀畢至道廣五十步三丈而樹厚築其外

隱以金椎樹以青松

二十八年始皇東行郡縣上鄠嶧山韋昭曰鄠魯縣山在其北

○正義曰上時掌反鄠側留反嶧音亦亦國系云鄠嶧山亦名鄠山在兖州鄒縣南二十二里魯穆公改邾作鄠其山遂從

邑變山北去黃河三百餘里立石與魯諸儒生議刻石頌秦德

議封禪正義曰晉太康地記云為壇於太山以祭示增高也為壇於梁父以祭地示增廣也祭尚玄酒而俎

秦始皇帝紀

魚潭皆廣長十二丈壇高三尺階三等而樹石云文望祭山川  
大山之上高二丈一尺廣三尺秦之刻石云文

之事乃遂上泰山正義曰太山一曰岱宗東嶽也在兗州博城縣西北三十里山海經云泰

山其上多玉其下多石郭璞云從泰山下至山頭百四十八  
里三百步道書福地記云泰山高四千九百丈二尺周迴二

千里多芝草玉石長津甘泉仙人室又有地獄六曰鬼神  
之府從西上下有洞天周迴三千里鬼神考謫之府立石

封祠祀服虔曰增天之高歸功於天張晏曰天高不可及於泰山上立封禪而祭之巽近神靈也瓚曰積土

為封謂負土於泰山上為壇而祭之下風雨暴至休於樹下因封其樹

為五大夫正義封作復音福禪梁父服虔曰禪闡廣土地也瓚曰古者聖王封泰山禪亭

亭或梁父皆太山下小山除地為壇祭於梁父後改刻所  
壇曰禪。正義曰父音甫在兗州泗水縣北八十里

立石其辭曰皇帝臨位作制明法臣下脩飭索隱

曰此泰山刻石銘其詞每二句為韻凡十二韻二十有六  
下之眾碣石會稽三銘皆然。正義飭音勅



年初并天下罔不賓服親巡遠方黎民登茲泰

山周覽東極從臣思迹正義從財用反本原事業祇誦

功德正義祇音脂治道運行諸產得宜皆有法式大義

休明垂于後世順承勿革皇帝躬聖既平天下

不懈於治夙興夜寐建設長利正義長直良反專隆教

誨訓經宣達遠近畢理咸承聖志貴賤分明男

女禮順慎遵職事昭隔徐廣曰隔一作融內外靡不清淨

施于後嗣化及無窮遵奉遺詔永承重戒於是

乃並勃海以東正義並白浪反勃作渤蒲忽反過黃腫地理志東萊有黃縣腫縣

正義曰腫逐瑞反字或作腫括地志云黃縣故城在萊州黃縣東南二十五里古萊子國也牟平縣城在黃縣南百三

秦始皇帝紀

十里十三州志云窮成山登之罘地理志之罘山在睡

牟平縣古睡縣也括地志云在萊州文登縣東北百八十里成山在文登縣西

北百九十里窮猶登極也封禪書云八神五曰陽王祠之罘

七日曰主祠成山成山斗入海又云之罘山在海中文登縣古睡縣也立石頌秦德焉而

去南登琅邪正義曰今兗州東沂州密州即古琅邪也大樂之留二月乃

徙黔首二萬戶琅邪臺下地理志云越王勾踐嘗治琅邪縣起臺館○索隱曰

山海經曰琅臺在渤海間蓋海畔有山形如臺在琅邪故曰郎耶臺○正義曰括地志云密州諸城縣東南百七十里有

琅耶臺越王勾踐觀臺也臺西北十里有琅耶故吳春秋云

越王勾踐二十五年徙都琅耶立觀臺以望東海遂號令秦晉齊楚以尊輔周室歃血盟即勾踐起臺處括地志云琅耶

山在密州諸城縣東南百四十里始皇立層臺於山上謂之琅耶臺孤立眾山之上秦王樂復十二歲正義曰復音福

之留三月立石山上頌秦德也復二萬戶徙臺下者今作琅邪臺立石刻頌秦德明德意曰索隱曰二

韻為維二十六年皇帝作始端平法度萬物之紀

以明人事合同父子聖智仁義顯白道理東撫

東土以省卒士正義省山井反卒子忽反事已大畢乃臨于海

皇帝之功勤勞本事上農除末黔首是富普天

之下搏心揖志索隱曰搏古專字左傳云如琴瑟之搏壹揖音集器械一量正義

曰內成曰器甲冑兕豸之屬外成曰械戈矛弓戟之屬壹量者同度量同書文字日月所

照舟輿所載皆終其命莫不得意應時動事是

維皇帝匡飭異俗陵水經地正義陵作凌猶歷也經界也憂恤

黔首朝夕不懈除疑定法咸知所辟正義音避方伯

分職諸治經易正義曰易音以政反言方伯分職治所理常在平易舉錯必當

秦始皇帝紀

莫不如畫

正義曰畫音戶卦反謂政理齊整分明若畫無邪惡

皇帝之明臨察

四方尊卑貴賤不踰次行

正義音胡郎反

茲邪不容皆務

貞良細大盡力莫敢怠荒遠邇辟隱

正義辟反亦反

專

務肅莊端直躬忠事業有常皇帝之德存定四

極誅亂除害興利致福節事以時諸產繁殖黔

首安寧不用兵革

正義韻音棘

六親相保終無寇賊驩

欣奉教盡知法式六合之內皇帝之土西涉流

沙

正義解見夏紀

南盡比戶東有東海北過大夏

索隱曰韻音戶下

無不臣者音渚澤及牛馬音姥○正義曰杜預云大夏太原晉陽縣按在今并州遷實沉於大夏主參即此也

人迹

所至無不臣者功蓋五帝澤及牛馬莫不受德

各安其宇維秦王兼有天下立名為皇帝乃撫

東土至于琅邪列侯張晏曰列侯者見序例武城侯王離列

侯通武侯王賁倫侯建索隱曰爵卑於列侯無封邑者倫類也亦列侯之類成

侯趙亥倫侯昌武侯成倫侯武信侯馮毋擇丞

相隗索隱曰隗姓林名有本作狀者非顏之推云隋開皇初京師穿地得鑄秤權有銘云始皇時量器丞

相隗狀王縮二人列名其作狀貌之字時令校寫親所按驗王劭亦云然斯遠古之證也。正義曰隗音五罪反丞

相王縮卿李斯卿王戊五大夫趙嬰五大夫揚

膠正義音居虬反從與正義曰上才用反下預言王離以下十人從始皇咸與始皇議功德於海上立石於

琅耶臺下十人名字並刻頌議於海上正義曰此頌前後序兩句為韻此三句為韻曰古

之帝者地不過千里正義曰過音戈千里謂王畿諸侯各守其

封域或朝或否相侵暴亂殘伐不止猶刻金石

以自為紀古之五帝三王知教不同法度不明

假威鬼神正義曰言五帝三王假借鬼神之威以欺遠

方實不稱名正義稱尺證反故不久長其身未歿諸侯倍

叛法令不行今皇帝并一海內以為郡縣天下

和平昭明宗廟體道行德尊號大成羣臣相與

誦皇帝功德刻于金石以為表經既已齊人徐

市等上書言海中有二神山名曰蓬萊方丈瀛

洲正義曰漢書郊祀志云此三神山者其傳在渤海中去人不遠蓋曾有至者諸仙人及不死之藥皆在焉其物禽獸

盡白而黃金白銀為宮闕未至望之如雲及至三神山乃居水下臨之患且至風輒引船而去終莫能至云世主莫不甘

焉僊人居之請得齋戒與童男女求之於是遣

徐市發童男女數千人入海求僊人正義曰括地志云曹州在

東海中秦始皇使徐福將童男女入海求仙人止在一作王此

州其數萬家至今州上人有至會稽市易者吳人外國圖云

曹州去琅 始皇還過彭城正義曰彭城徐州所理縣也

耶萬里 記云陸終第三子曰篋鏗封於彭州東外城古之彭國也搜神

為商伯外傳云那末城彭祖氏 齋戒禱祠欲出周鼎

泗水使千人没水求之弗得乃西南渡淮水之

衡山正義曰括地志云衡山一名岫嶺山在衡 南郡正義曰括地

州湘潭縣西四十一里岫音苟嶺音樓 南郡正義曰括地

荆州也言欲向衡山即西 浮江至湘山祠正義曰括地

北過南郡入武關至咸陽 志云黃陵廟在岳州湘陰縣北五十七里舜二妃之神二妃塚在湘陰北

一百六十里青草山上盛弘之荆州記云青草湖南有青草

秦始皇帝紀



祠湘山逢大風幾不得渡上問博士曰湘君何神博

士對曰聞之堯女舜之妻而葬此索隱曰列女傳亦以湘君為堯

女按楚詞九歌有湘君湘夫人夫人是堯女則湘君當是舜今此文以湘君為堯女是摠而言之於是始

皇大怒使刑徒三千人皆伐湘山樹赭其山正義

赭音者上自南郡由武關歸應劭曰武關秦南關通南陽文穎曰武關在析西百七十

里弘農界。正義曰括地志云故武關在商州商洛縣東九十里春秋時少習也杜預云習商縣武關也

二十九年始皇東游至陽武博狼沙中地理志河南陽武縣

有博狼沙。正義狼音浪為盜所驚求弗得乃令天下大索十

日登之罘刻石其辭曰索隱曰三句為韻維二十九年時

在中春正義曰中音仲古者帝王巡狩常以仲月陽和方起皇帝東游巡

登之罘臨照于海從臣嘉觀正義從才用反觀音瑄原念休

烈追誦本始大聖作治建定法度顯著綱紀外

教諸侯先施文惠明以義理六國回辟正義必亦反貪

戾無厭正義於廉反虐殺不已皇帝哀衆遂發討師奮

揚武德義誅信行威輝勞達徐廣曰輝充善反莫不賓服

亨滅彊暴振救黔首周定四極普施明法經緯

天下永為儀則大矣哉字字宙承順

聖意索隱曰協韻音憶羣臣誦功請刻于石表垂于常式

其東觀曰維二十九年皇帝春游覽省遠方逮

于海隅遂登之罘昭臨朝陽觀望廣麗從臣咸

秦始皇帝紀

念原道至明聖法初興清理疆內外誅暴彊武

威旁暢振動四極禽滅六王闡并天下苗害絕

息永偃戎兵皇帝明德經理宇內視聽不怠索隱

曰怠湯旗疑韻怠音銅綦反故國語范彘蝨曰得時不怠時不再來亦以怠與臺為韻作立大義昭

設備器咸有章旗職巨遵分各知所行事無嫌

疑黔首改化遠邇同度臨古絕尤常職既定後

嗣循業長承聖治羣臣嘉德祗誦聖烈請刻之

眾旋遂之琅邪道上黨入索隱曰道猶從也

三十年無事

三十一年徐廣曰使黔首自實田也十二月更名臘曰嘉平太原

真人茅盈內紀曰始皇三十一年九月庚子盈曾祖父蒙乃於華山之中乘雲駕龍白日升天先是其邑謠歌曰神仙得者茅初成駕龍上升入泰清時下玄洲戲赤城繼世而往在我盈帝若學之臘嘉平始皇聞謠歌而問其故父老具對此仙人之謠歌勸帝求長生之術於是始皇欣然乃有尋仙之志因改臘曰嘉平。索隱曰廣雅曰夏曰清祀躬曰嘉平周曰大蜡亦曰臘秦更曰嘉平蓋應歌謠之詞而改從躬號也道書茅濛字初成今此云茅濛初成者為神仙之道其意失也蓋由裴氏所引不明或後人增益像字遂令七言之詞有銜爾

賜黔首里六石米二

羊始皇為微行咸陽

張晏曰若微賤之所為故曰微行也

與武士四

人俱夜出逢盜蘭池

地理志渭城縣有蘭池宮。正義曰括地志云蘭池陂即古之

蘭池在咸陽縣界秦記云始皇都長安引渭水為池築為蓬瀛刻石為鯨長二百丈逢盜之處也

見窘武

士擊殺盜關中大索二十日米石千六百

三十二年始皇之碣石使燕人盧生求羨門

昭章

秦始皇帝紀

曰古仙人高誓正義曰亦古仙人刻碣石門徐廣曰一作盟壞城郭決通

隄防其辭曰正義曰此頌三句為韻遂興師旅誅戮無道為

逆滅息武殄暴逆文復無罪徐廣曰復一作優。正義曰復音福言秦以武

力能殄息暴逆以文訓道令無罪失故復除之庶心咸服惠論功勞賞及牛

馬恩肥土域皇帝奮威德并諸侯初一泰平墮

壞城郭正義曰墮音許規反壞音怪墮毀也壞圻也言始皇毀圻關東諸侯舊城郭也夫自頽曰壞音戶怪

反決通川防夷去險阻地勢既定黎庶無繇正義

遙音天下咸撫男樂其疇女修其業事各有序惠

被諸產久並來田徐廣曰久一作分莫不安所羣臣誦烈

請刻此石垂著儀矩因使韓終侯公石生求仙

人不死之藥始皇巡北邊從上郡入燕人盧生

使正義音所吏反入海還以鬼神事因奏錄圖書曰云秦

者胡也鄭玄曰胡胡亥秦二世名也秦見圖書不知此為人名反備北胡始皇乃使將

軍蒙恬發兵三十萬人北擊胡略取河南地正義

曰今重亞夏勝等州秦略取之

三十三年發諸嘗逋云人贅壻瓚曰贅謂居窮有子使就其婦家為

贅賈人略取陸梁地正義曰嶺南之人多處山陸其性強梁故曰陸梁為桂

林韋昭曰今鬱林是也。索隱曰謂南方之人其性陸梁故曰陸梁象郡韋昭曰今日南南海

正義曰即廣州南海縣以適遣戍徐廣曰五十萬人守五嶺。正義曰適音直革反戍守也廣州記云

五嶺者大庾始安臨賀揭楊桂陽輿地志云一曰臺嶺亦名塞上今名大庾二曰騎田三曰都龍四曰萌諸五曰越嶺

秦始皇本紀

西北斥逐匈奴自榆中徐廣曰在金城並河以東服虔曰並音傍傍依

也屬之陰山徐廣曰在五原北正義曰屬之欲廣按五原今勝州也以為二十

四縣城河上為塞又使蒙恬渡河取高闕正義曰山

名在五原北兩山相對陶山北假中晉灼曰王莽傳云五原北假膏壤殖

若闕甚高故言高闕穀北假地名也。索隱曰高闕山名北假地名近五原。正義曰酈元注水經云黃河逕河目縣故城西縣在北假中北

假地名按河目縣屬勝州名河築亭障巨逐戎人徙北漢書地理志云屬五原縣

謫實之初縣索隱曰徙有罪而謫之以實初縣即上自榆中屬陰山以為三十四縣是也故漢七

糾謫亦因於秦禁不得祠明星出西方徐廣曰皇甫謐云彗星見

三十四年適治獄吏不直者築長城及南越地

正義曰謂成五嶺是南方越地始皇置酒咸陽宮博士七十人前



為壽僕射

正義音夜

周青臣

漢書百官表曰僕射秦官古者重武官有主射以督課之

應劭曰僕主也

進頌曰他時秦地不過千里賴陛下神靈

明聖平定海內放逐蠻夷日月所照莫不賓服

以諸侯為郡縣人人自安樂無戰爭之患傳之

萬世自上古不及陛下威德始皇悅博士齊人

淳于越進曰臣聞殷周之王千餘歲封子弟功

臣自為枝輔今陛下有海內而子弟為匹夫卒

有田常六卿之臣無輔拂

正義蒲筆反

何以相救哉

事不師古而能長久者非所聞也今青臣又面

諛以重陛下之過非忠臣始皇下其議丞相李

斯曰五帝不相復三代不相襲各以治非其相  
反時變異也今陛下創大業建萬世之功固非  
愚儒所知且越言乃三代之事何足法也異時  
諸侯並爭厚招游學今天下已定法令出一百  
姓當家則力農工士則學習法令辟禁正義令力  
性反辟音  
遊今諸生不師今而學古以非當世惑亂黔首  
丞相臣斯昧死言古者天下散亂莫之能一是  
以諸侯並作語皆道古以害今飾虛言以亂實  
人善其所私學徐廣曰私  
一作知以非上之所建立今皇  
帝并有天下別黑白而定一尊私學而相與非

法教人聞令下則各以其學議之入則心非出

則巷議夸主

正義夸口瓜反

以為名異取以為高率羣

下以造謗如此弗禁則主勢降乎上黨與成乎

下禁之便臣請史官非秦記皆燒之非博士官

所職天下敢有藏詩書百家語者悉詣守尉雜

燒之有敢偶語詩書弃市

應劭曰禁民聚語畏其謗已。正義曰偶對也

以

古非今者族吏見知不舉者與同罪令下三十

日不燒黥為城旦

如淳曰律說論決為髡鉗輸邊築長城晝日伺寇虜夜暮築長城城旦四

也所不去者醫藥卜筮種樹之書若欲有學法

令

徐廣曰一無法令二字

以吏為師制曰可

三十五年除道道九原

地理志五原郡有九原縣

抵雲陽

徐廣曰表

云道九原通甘泉

斬山堙谷直通之於是始皇以為咸陽

人多先王之宮廷小吾聞周文王都豐武王都

鎬豐鎬之間帝王之都也乃營作朝宮渭南上

林苑中先作前殿阿房

正義曰房白郎反括地志云秦阿房宮亦曰阿城在雍州

長安縣西北一十四里按宮在上林苑中雍州郭城西南面即阿房宮城東面也顏師古云阿近也以其去咸陽近且號

阿房東西五百步南北五十丈上可以坐萬人下

可以建五丈旗

索隱曰此以其形名宮也言其宮四阿旁廣也故云下可建五丈之旗也阿房

後為宮名。正義曰三輔舊事云阿房宮東西三里南北五百步庭中可受萬人又鑄銅人十二於宮前阿房宮以慈石

為門阿房宮之北闕門也

周馳為閣道自殿下直抵南山表南

山之顛以為闕為復道自阿房渡渭屬之咸陽

以象夫極閣道絕漢抵營室也索隱曰謂為複道渡渭屬咸陽象天

文閣道絕漢抵營室也天官書曰天極紫宮後十七星絕漢抵營室曰閣道阿房宮未成

欲更擇今名名之作宮阿房故天下謂之阿房

宮隱宮正義曰餘刑見於市朝宮刑一百日隱於陰室養之乃可故曰隱宮下蠶室是徒刑者

七十餘萬人乃分作阿房宮或作麗山發北山

石椁乃寫蜀荆地材皆至關中計宮三百關外

四百餘於是立石東海上胸界中以為秦東門

因徙三萬家麗邑正義麗音離五萬家雲陽皆復不

事十歲盧生說始皇曰臣等求芝奇藥仙者常

秦始皇帝紀

弗遇類物有害之者方中人主時為微行以辟  
惡鬼惡鬼辟真人至人主所居而人臣知之則  
害於神真人者入水不濡入火不爇

正義而說反

陵雲

氣與天地久長今上治天下未能恬悛願上所  
居宮母令人知然後不死之藥殆可得也於是  
始皇曰吾慕真人自謂真人不稱朕乃令咸陽  
之旁二百里內宮觀二百七十復道甬道相連  
帷帳鍾鼓美人充之各案罽不移徙行所幸有  
言其處者罪死始皇帝幸梁山宮

徐廣曰在好時正義曰括地

志云俗名望宮山在雍州好時縣西十二里北去梁山  
九里秦始皇起從山上見丞相車騎眾弗善即此山也  
從山

上見丞相車騎衆弗善也中人或告丞相丞相  
後損車騎始皇怒曰此中人泄吾語案問莫服  
當是時詔捕諸時在旁者皆殺之自是後莫知  
行之所在聽事羣臣受決事悉於咸陽宮侯生  
說死曰韓盧生相與謀曰始皇爲人天性剛戾自  
客侯生也用起諸侯并天下意得欲從以爲自古莫及已  
專任獄吏獄吏得親幸博士雖七十人特備負  
弗用丞相諸大臣皆受成事倚辦於上上樂以  
刑殺爲威正義樂天下畏罪持祿莫敢盡忠上不  
五孝反聞過而日驕下懾伏謾欺以取容秦法不得兼



方徐廣曰一云并力。正義曰言秦施法不得兼方者。今民之有方伎不得兼兩齊試不驗輒賜死言法酷不驗

輒死然候星氣者至三百人皆良士畏忌諱諛

不敢端言其過天下之事無小大皆決於上上

至以衡石量書石百二十斤。正義曰衡秤衡也言表牋奏請秤取一石日夜有程期不滿不

息休日夜有呈不中呈正義中竹仲反不得休息貪於權勢

至如此未可為求仙藥於是乃亡去始皇聞云

乃大怒曰吾前收天下書不中用者盡去之悉

召文學方術士甚眾欲以興太平方士欲練以

求奇藥徐廣曰一云欲以練求今聞韓眾正義音終去不報徐市

等費以巨萬計終不得藥徒殺利相告日聞徐廣

曰一作間盧生等吾尊賜之甚厚今乃誹謗我以重

吾不德也諸生在咸陽者吾使人廉問或為詖

言以亂黔首於是使御史悉案問諸生諸生傳

相告引乃自除犯禁者四百六十餘人皆阮之

咸陽使天下知之以懲後益發謫徙邊

徐廣曰表云徙

始皇長子扶蘇諫曰天下初定

遠方黔首未集諸生皆誦法孔子今上皆重法

繩之臣恐天下不安唯上察之始皇怒使扶蘇

北監蒙恬於上郡

正義曰括地志云上郡故城在綏州上縣東南五十里秦之上郡城也

三十六年熒惑守心有墜星下東郡至地為石

徐廣曰表云石畫隕黔首或刻其石曰始皇帝死而地分始

皇聞之遣御史逐問莫服盡取石旁居人誅之

因燔銷其石始皇不樂使博士為仙真人詩及

行所游天下傳令正義曰傳逐戀反令力呈反樂人誦弦之秋

使者從關東夜過華陰平舒道正義曰括地志云平舒故城在華州

華陰縣西北六里水經注云渭水又東經平舒北城枕渭濱半破淪水南面通澗昔秦之將云也江神送璧於華陰平舒

道即其有人持璧遮使者曰為吾遺瀉池君服虔曰水

神也張晏曰武王居鎬鎬池君則武王也武王伐商故神云

始皇荒淫若紂矣今亦可伐也孟康曰長安西南有瀉池。

索隱曰按服虔云水神是也江神以璧遺瀉池之神告始皇之將終也且秦水德王故其君將云水神先自相告也。正義曰遺更季反瀉湖老反括地志云瀉水源出雍州長安縣西北瀉池灑元注水經云瀉水承瀉池北流入渭今按瀉池

水流入來通渠蓋顛元誤矣張晏云武王居瀉瀉池君則武王也伐商故神云始皇荒淫若紂矣今武王可伐矣

言曰今年祖龍死蘇林曰祖始也龍人君象謂始皇也服虔曰龍人之先象也言王亦人之因

先也應劭曰祖人之先龍君之象使者問其故因忽不見置其璧去

使者奉璧具以聞始皇默然良久曰山鬼固不

過知一歲事也退言曰祖龍者人之先也使御

府視璧乃二十八年行渡江所沈璧也於是始

皇卜之卦得游徙吉遷北河榆中二萬家正義曰謂

北河勝州也榆中即今勝州榆林縣也言徙三萬家以應卜卦游徙吉也拜爵一級

三十七年十月癸丑始皇出游左丞相斯從右

丞相去疾守少子胡亥愛慕請從上許之十一

月行至雲夢至祀虞舜於九疑山

正義曰括地志云九疑山在永

州唐興縣東南一百里皇臨見冢墓記云舜冢在零陵郡浮江

營浦縣九疑山言始皇至雲夢望祭虞舜於九疑山也下觀籍柯渡

正義曰括地志云舒州周安縣東按舒州在江中疑海字誤即此州也過丹陽

正義曰括地志云丹陽郡故在潤州江寧縣東五里秦兼并天下以為鄣郡也唐

正義曰錢唐今杭州縣臨浙江

晉灼曰紅水至會稽山陰為浙江音折西百二十里從狹中渡

徐廣曰蓋在餘杭也顧夷曰餘杭者秦始皇至會稽經此立為上會稽祭大禹

正義曰上音上掌反越州會稽山上有夏禹穴及廟海而立石刻頌秦德

索隱曰三句為韻其碑見在會稽山上其文及書皆李斯其字四寸畫如小指圓鑄今文字整頌是小篆字皇帝休

烈平一字內德惠脩長

索隱曰脩亦長也重文耳王劭按張徽所錄會稽南山秦

始皇碑文脩作攸三十六年七年親巡天下周覽遠方遂登

會稽宣省習息索隱曰今檢會稽刻石文儉黔首齋莊羣臣誦功本原事迹

追首高明首字一作道雅符人情也秦聖臨國始定

刑名顯陳正義作彰音章章碑文作畫章也初平法式審別職

任以立恒曰碑文作愷率眾邦強六王專倍貪戾傲猛率眾自疆正義

陰通間使正義曰間紀竟反負力而驕數動甲兵

以事合從正義合

內飾詐謀素隱曰刻石外音閣從

來侵邊遂起禍殃義威誅之殄熄徐廣曰音息

暴悖正義曰恭白報亂賊滅亡聖德廣密六合之中

秦始皇帝紀

被澤無疆皇帝并宇兼聽萬事遠近畢清運理

羣物考驗事實各載其名貴賤並通善否陳前

靡有隱情飾省宣義徐廣曰省一作非。正義曰飾音式省山景反飾謂文飾也省

也過有子而嫁正義曰謂夫死有子棄之而嫁倍死不貞防隔內外禁

止淫泆男女竊系誠夫為寄索隱曰緹牡猪也言夫淫他室若寄緹之猪也

加殺之無罪男秉義程妻為逃嫁正義曰謂棄夫而逃嫁於人

子不得母正義曰言妻棄夫逃嫁子乃失母感化廉清大治濯俗天

下承風象被休經皆遵度軌和安敦勉莫不順

令正義力呈反黔首脩潔人樂同則正義樂音丘嘉保太平

後敬奉法常治無極輿舟不傾從臣誦烈正義曰從



音才用反烈美也所隨也請刻此石光垂休銘還過

從諸臣咸誦美請刻此石

地理志丹陽有江乘縣。正義曰乘音時升反江乘故縣在潤州句容縣北六十里本秦

舊縣也渡渭京兆也

並海上北至琅邪方士徐市等入海求

神藥數歲不得費多愁謹乃詐曰蓬萊藥可得

然常為大鮫魚所苦

正義鮫音交苦音若故反

故不得至願請

善射與俱見則以連弩射之始皇夢與海神戰

如人狀問占夢博士曰水神不可見以大魚蛟

龍為候今上禱祠備謹而有此惡神當除去而

善神可致乃令入海者齋捕巨魚具而自以連

弩候大魚出射之自琅邪北至榮成山

正義曰即山也在萊

州弗見至之粟不見巨魚射殺一魚遂並海西至

平原津而病

徐廣曰渡河而西。正義曰今德州平原縣南六十里有張公故城城東有水津焉後各

張公渡恐此平原郡古津也漢書公孫弘平津侯亦近此蓋平津即此津始皇渡此津而疾

始皇惡言

死羣臣莫敢言死事上病益甚乃為璽書賜公

子扶蘇曰與喪會咸陽而葬書已封在中車府

令趙高

伏儼曰主乘輿路車

行符璽事所未授使者七月丙

寅始皇崩於沙丘平臺

徐廣曰年五十沙丘去長安二千餘里趙有沙丘宮在鉅

鹿武靈王之死處。正義曰括地志云沙丘臺在邢州平鄉縣東北二十里又云平鄉縣東北四十里按始皇崩在沙丘

之宮平臺之中邢州去京一千六百五十里

丞相斯為上崩在外

正義為于偽反恐

諸公子及天下有變乃秘之不發喪棺載輜涼

車中正義棺音館又古患反故幸官者參乘所至上食百官

奏事如故官者輒從輜涼車中可其奏事獨子

胡亥趙高及所幸官者五六人知上死趙高故

嘗教胡亥書及獄律令法事胡亥私幸之高乃

與公子胡亥丞相斯陰謀破去始皇所封書正義

去丘呂反賜公子扶蘇者而更詐為丞相斯受始皇

遺詔沙丘立子胡亥為太子更為書賜公子扶

蘇蒙恬數以罪正義數音色具反其賜死語具在李斯傳

中行遂從井陘徐廣曰在常山抵九原正義曰抵丁禮反抵至也從沙丘至勝州三千

里會暑上輜車臭乃詔從官令車載一石鮑魚

秦始皇帝紀

正義鮑以亂其臭行從直道至咸陽發喪太子胡

亥龍襲位為二世皇帝九月葬始皇酈山始皇初

即位穿治酈山及并天下天下徒送詣七十餘

萬人穿三泉下銅徐廣曰一作錮錮鑄塞。正義曰而

致樽宮觀百官奇器珍怪徙臧滿之正義曰言冢

徒滿冢中臧才浪反今匠作機弩矢有所穿近者輒

射之以水銀為百川江河大海機相灌輸正義

館輸音戌上具天文下具地理以人魚膏為燭徐廣

魚似鮎四脚。正義曰廣志云鯢魚聲如小兒啼有四足形

如鱧可以治牛出伊水異物志云人魚似人形長尺餘不堪  
食皮利於鮫魚鋸材木入項上有小穿氣從中出秦始皇冢  
中以人魚膏為燭即此魚也出東海中今台州有之按今帝

王用漆燈冢中則火不滅度不滅者久之正義度音田洛反二世曰先帝

後宮非有子者出焉不宜皆令從死死著甚眾

葬既已下或言工匠為機藏皆知之藏重即泄

大事畢已藏閉中羨正義曰音延下同謂冢中神道下外羨門盡

閉工匠藏者無復出者樹草木以象山皇覽曰墳高五十餘

丈周迴五里餘。正義曰關中記云始皇陵在驪山泉本北流障使東西流有土無石取大石於渭山諸山括地志云秦

始皇陵在雍州新豐縣西南十里

二世皇帝元年年二十一徐廣曰表云十月戊寅大赦罪人趙高為

郎中令漢書百官表曰秦官掌宮殿門戶任用事二世下詔增始皇

寢廟犧牲及山川百祀之禮令羣臣議尊始皇

始皇帝紀

廟羣臣皆頓首言曰古者天子七廟諸侯五大

夫三雖萬世世不軼毀

正義軼徒結反

今始皇為極廟四

海之內皆獻貢職增犧牲禮咸備毋以加先王

廟或在西雍

正義曰於用一反西雍在咸陽西今岐州雍縣故城是也又一云西雍雍西縣也

或

在咸陽天子儀當獨奉酌祠始皇廟自襄公已

下軼毀所置凡七廟羣臣以禮進祠以尊始皇

廟為帝者祖廟皇帝復自稱朕二世與趙高謀

曰朕年少初即位黔首未集附先帝巡行郡縣

以示彊威服海內今晏然不巡行即見弱毋以

臣畜天下春二世東行郡縣李斯從到碣石並

海南至會稽而盡刻始皇所立刻石石旁著正義

丁略大臣從者名以章先帝成功盛德焉皇帝曰

金石刻盡始皇帝所為也今襲號而金石刻辭

不稱正義尺始皇帝其於久遠也正義曰二世言始

自五帝三王未及既已襲位而見金石如後嗣為之者

不稱成功盛德丞相臣斯臣去疾徐廣曰姓馬

御史大夫臣德昧死言臣請具刻詔書刻石因

明白矣臣昧死請制曰可遂至遼東而還於是

二世乃遵用趙高申法令乃陰與趙高謀曰大

臣不服官吏尚彊及諸公子必與我爭為之柰

秦始皇本紀



何高曰臣固願言而未敢也先帝之大臣皆天下累世名貴人也積功勞世以相傳久矣今高素小賤陛下幸稱舉令在上位管中事大臣鞅鞅特以貌從臣其心實不服今上出不因此時案郡縣守尉有罪者誅之上以振威天下下以除去上生平所不可者今時不師文而決於武力願陛下遂從時毋疑即羣臣不及謀明主收舉餘民賤者貴之貧者富之遠者近之則上下集而國安矣二世曰善乃行誅大臣及諸公子以罪過連逮少近官三郎

索隱曰逮訓及也謂連及俱被捕故云連逮少小也

近近侍之臣三郎謂中郎外郎散郎。正義曰漢書百官表云有議郎中郎散郎又有左右三將謂郎中車郎戶郎無得立者而六公子戮死於杜公子將閭昆弟三人囚於內宮議其罪獨後二世使使令將閭曰公子不臣罪當死吏致法焉將閭曰闕廷之禮吾未嘗敢不從賓贊也廊廟之位吾未嘗敢失節也受命應對吾未嘗敢失辭也何謂不臣願聞罪而死使者曰臣不得與謀奉書從事將閭乃仰天大呼天者三曰天乎吾無罪昆弟三人皆流涕拔劍自殺宗室振恐羣臣諫者以爲誹謗大吏持祿取容黔首振恐四月二世還至咸

陽曰先帝為咸陽朝廷小故營阿房宮為室堂

未就會上崩罷其作者復土正義曰謂出土為陵既成還復其土故言復土

酈山酈山事大畢今釋阿房宮弗就則是章先

帝舉事過也復作阿房宮外撫四夷如始皇計

盡徵其材士正義曰謂材官蹶張之士五萬人為屯衛咸陽令

教射狗馬禽獸當食者多正義曰謂材士及狗馬度不足下

調正義度田洛反下行嫁反郡縣轉輸菽粟芻稾皆

令自齎糧食咸陽三百里內不得食其穀用法

益刻深七月戌卒陳勝正義音升等反故荆地為張

楚李奇曰張大楚國也勝自立為楚王居陳遣諸將徇地山

東郡縣少年苦秦吏皆殺其守尉令丞反以應

陳涉相立為侯王合從西鄉名為伐秦不可勝

數也謁者漢書百官表曰謁者秦官掌賓贊受事使東方來以反者聞

二世二世怒下吏後使者至上問對曰羣盜郡

守尉方逐捕今盡得不足憂上悅武臣自立為

趙王魏咎為魏王田儋服虔曰音負擔為齊王沛公起沛

項梁舉兵會稽郡

二年冬陳涉所遣周章等將西至戲應劭曰戲弘農湖西界孟

康曰水名今戲亭是也蘇林曰邑名在新豐東南三十里正義曰戲音許宜反括地志云戲水源自雍州新豐縣西南

驪山水經注云戲水出驪山馮公公谷東北流今新豐縣東北十一里戲水當官道即至處兵數十萬二

秦始皇帝紀

世大驚與羣臣謀曰柰何少府章邯曰漢書百官表曰少府

秦官應劭曰掌山澤陂池之稅名曰禁錢以給私養自別為藏少者小也故稱少府。正義胡甘反盜已至

衆彊今發近縣不及矣酈山徒多請赦之授兵

以擊之二世乃大赦天下使章邯將擊破周章

軍而走遂殺章曹陽晉灼曰亭名在弘農東十三里魏武帝改曰好陽。正義曰括地志

云曹陽故亭一名好陽亭在陝州桃林縣東南十四里即章邯殺周章處二世益遣長史司

馬欣董翳佐章邯擊盜殺陳勝城父正義曰父音甫括地志云

城父亳州所理縣破項梁定陶正義曰今曹州定陶縣滅魏咎臨濟正義

曰今齊州縣楚地盜名將已死章邯乃北渡河擊趙王

歇等於鉅鹿正義曰括地志云邢州平鄉縣城本鉅鹿離圍趙王歇即此城趙高說二

世曰先帝臨制天下久故羣臣不敢為非進邪  
說今陛下富於春秋初即位柰何與公卿廷決  
事事即有誤示羣臣短也天子稱朕固不聞聲  
索隱曰言天子常處禁中臣下屬望纔有兆朕耳不見其形也於是二世常居禁中蔡  
曰禁中者門戶有禁非侍御者不得入故曰禁中與高決諸事其後公卿希  
得朝見盜賊益多而關中卒發東擊盜者毋已  
右丞相去疾左丞相斯將軍馮劫進諫曰關東  
羣盜並起秦發兵誅擊所殺亡甚衆然猶不止  
盜多皆以戍漕轉作事苦賦稅大也請且止阿  
房宮作者減省正義上四邊戍轉二世曰吾聞之

秦始皇本紀

韓子曰堯舜采椽不刮索隱曰采木名刮音括茅茨不翦飯

土塼徐廣曰呂靜曰飯器謂之盥。索隱曰如字一音鏤不作盥。啜土形如淳曰土形飯器之屬尾

飯器也。索隱曰雖監門之養正義以讓反不穀於此索隱曰謂

監門之卒養即卒也。有廝養卒穀音學謂盡也。又古學反。正義曰又苦角反爾雅云穀盡也言堯舜采椽不刮茅茨不

翦飯土塼啜土形雖監守門之人供養亦不盡此之踈陋也。禹鑿龍門通大夏正義

曰括地志云大夏今并州晉陽及汾絳等州是昔高辛氏子實沈居之。西近河言禹鑿龍門向水道得大通并州之地不

壅溢也。決河亭水正義曰亭平也。又放之海身自持築

也。正義曰禹音初洽反築牆杵也。禹鑿龍門通大夏脛母毛臣虜之勞不烈

於此矣正義曰烈美也。言臣虜之勞猶不美於此矣。又烈酷也。禹鑿龍門通大夏道決黃河供水放之海身

持斂杵使脛脛無毛。賤臣奴虜之勤勞不酷烈於此辛苦矣。凡所為貴有天下者



得肆意極欲主重

正義直拱反

明法下不敢為非以制

御海內矣夫虞夏之主貴為天子親處窮苦之

實以徇百姓尚何於法朕尊萬乘母其實吾欲

造千乘之駕萬乘之屬充吾號名且先帝起諸

侯兼天下天下已定外攘四夷以安邊境

正義音竟

作宮室以章得意而君觀先帝功業有緒今朕

即位二年之間羣盜並起君不能禁又欲罷先

帝之所為是上母以報先帝次不為朕盡忠力

正義為于偽反

何以在位下去疾斯劫吏案責他罪去疾

劫曰將相不辱自殺斯卒囚

正義曰卒子律反囚在由反謂禁錮也

就

五刑

三年章邯等將其卒圍鉅鹿楚上將軍項羽將  
楚卒往救鉅鹿冬趙高爲丞相竟案李斯殺之  
夏章邯等戰數却二世使人讓邯邯恐使長史  
欣請事趙高弗見又弗信欣恐亡去高使人捕  
追不及欣見邯曰趙高用事於中將軍有功亦  
誅無功亦誅項羽急擊秦軍虜王離邯等遂以  
兵降諸侯八月己亥徐廣曰一作知趙高欲爲亂恐羣臣  
不聽乃先設驗持鹿獻於二世曰馬也二世笑  
曰丞相誤邪謂鹿爲馬問左右左右或默或言

馬以阿順趙高或言鹿者高因陰中諸言鹿者以法後羣臣皆畏高高前數言關東盜毋能為也及項羽虜秦將王離等鉅鹿下而前章邯等軍數却上書請益助燕趙齊楚韓魏皆立為王自關以東大氏正義曰丁禮反氏僭畧盡畔秦吏應諸侯諸

侯咸率其衆西鄉沛公將數萬人已屠武關使人私於高高恐二世怒誅及其身乃謝病不朝見二世夢白虎齧其左驂馬殺之心不樂怪問占夢卜曰涇水為崇正義雖遂反二世乃齋於望夷宮

張晏曰望夷宮在長陵西北長平觀道東故亭處是也臨涇水作之以望北夷。正義曰括地志云秦望夷宮在雍州咸

秦始皇帝紀

陽縣東南八里張晏云臨涇水作之望北夷欲祠涇沈四白馬使使責讓

高以盜賊事高懼乃陰與其壻咸陽令閻樂其

弟趙成謀曰上不聽諫今事急欲歸禍於吾宗

吾欲易置上更立公子嬰子嬰仁儉百姓皆載

其言使郎中令為內應徐廣曰一云郎中令趙成詐為有大賊

令樂召吏發卒追劫樂毋置高舍遣樂將吏卒

千餘人至望夷宮殿門縛衛令僕射曰賊入此

何不上衛令曰周廬設卒甚謹西京賦曰激道外周千廬內傳辭綜

曰士傳宮外向為廬舍晝則巡行非常夜則警備不虞安得賊敢入宮樂遂斬

衛令直將吏入行射郎官者大驚或走或格格

者輒死死者數十人郎中令與樂俱入射上幄  
坐幃二世怒召左右左右皆惶擾不鬪旁有官  
者一人侍不敢去二世入內謂曰公何不蚤告  
我乃至於此官者曰臣不敢言故得全使臣蚤  
言皆已誅安得至今閻樂前即二世數曰足下  
驕恣蔡邕曰君主臣士庶相與言曰殺誅殺無道天下  
下閣下足下侍者執事皆謙類共畔足下足下其自為計二世曰丞相可得見  
否樂曰不可二世曰吾願得一郡為王弗許又  
曰願為萬戶侯弗許曰願與妻子為黔首比諸  
公子閻樂曰臣受命於丞相為天下誅足下足

下雖多言臣不敢報麾其兵進二世自殺閻樂  
歸報趙高趙高乃悉召諸大臣公子告以誅二  
世之狀曰秦故王國始皇君天下故稱帝今六  
國復自立秦地益小乃以空名爲帝不可宜爲  
王如故便立二世之兄子公子嬰爲秦主以黔  
首葬二世杜南宜春苑中令子嬰齋當朝見受  
王璽齋五日子嬰與其子二人謀曰丞相高殺  
二世望夷宮恐羣臣誅之乃詳以義立我我聞  
趙高乃與楚約滅秦宗室而王關中今使我齋  
見廟此欲因廟中殺我我稱病不行丞相必自

來來則殺之高使人請子嬰數輩子嬰不行高  
果自往曰宗廟重事王柰何不行子嬰遂刺殺  
高於齋宮三族高家以徇咸陽子嬰為秦王四  
十六日楚將沛公破秦軍入武關遂至霸上應

曰霸水上地名在長安東二十里古者滋水秦穆公更名霸水

使人約降子嬰子嬰即

係頸以組白馬素車

應劭曰組者天子轍也係頸者言欲自殺也素車白馬喪人之服也

奉天子璽符降軹道旁

徐廣曰在霸陵駟案蘇林曰亭名在長安東十三里沛

公遂入咸陽封宮室府庫還軍霸上居月餘諸

侯兵至項籍為從長

索隱曰謂合關東為從長也

殺子嬰及秦

諸公子宗族遂屠咸陽燒其宮室虜其子女收



其珍寶貨財諸侯共分之滅秦之後各分其地  
爲二名曰雍王塞王翟王號曰三秦項羽爲西  
楚霸王主命分天下王諸侯秦竟滅矣後五年  
天下定於漢

太史公曰秦之先伯翳嘗有勲於唐虞之際受  
土賜姓及殷夏之間微散至周之衰秦興邑于  
西垂自繆公以來稍蠶食諸侯竟成始皇始皇  
自以爲功過五帝地廣三王而羞與之侔善哉  
乎賈生推言之也曰秦并兼諸侯山東三十餘  
郡繕津關據險塞修甲兵而守之然陳涉以戍

卒散亂之衆數百奮臂大呼不用弓戟之兵鉏

擾白挺

徐廣曰擾田器音夏。索隱曰徐以擾為望屋田器非也。孟康以擾為鋤柄蓋得其近也。

而食

索隱曰言其兵饑食天下不裹糧而行。橫行天下 索隱曰謂輕前敵不部伍旅進也。舞

陽侯曰橫行匈奴中也。

秦人阻險不守關梁不闔長戟不刺

彊弩不射楚師深入戰於鴻門曾無藩籬之艱

於是山東大擾諸侯並起豪俊相立

鵬冠子曰德萬人者謂之

俊德千人者謂之豪德百人者謂之英。索隱曰謂武臣田儉魏豹之屬。

秦使章邯將而東

征章邯因以三軍之衆要市於外

索隱曰此評失也。章邯之降由

趙高用事不信任軍將一則恐誅二則楚兵既盛王離見虜遂降耳非三軍要市於外以求封明矣。

以謀其

上羣臣之不信可見於此矣子嬰立遂不寤藉

使子嬰有庸主之材僅得中佐山東雖亂秦之地可全而有宗廟之祀未當絕也秦地被山帶河以爲固四塞之國也自繆公以來至於秦王二十餘君常爲諸侯雄豈世世賢哉其勢居然也且天下嘗同心并力而攻秦矣當此之世賢智並列良將行其師賢相通其謀然困於阻險而不能進秦乃延入戰而爲之開關百萬之徒逃北而遂壞豈勇力智慧不足哉形不利勢不便也秦小邑并大城徐廣曰大一作小守險塞而軍高壘毋戰閉關據阨荷戟而守之諸侯起於匹夫以

利合非有素王之行也其交未親其下未附名  
爲亡秦其實利之也彼見秦阻之難犯也必退  
師安土息民以待其敝索隱曰賈誼書安作案收弱扶罷以  
令大國之君不患不得意於海內貴爲天子富  
有天下而身爲禽者其救敗非也秦王足已不  
問遂過而不變二世受之因而不改暴虐以重  
禍子嬰孤立無親危弱無輔三主惑而終身不  
悟亡不亦宜乎當此時也世非無深慮知化之  
士也然所以不敢盡忠拂過者秦俗多忌諱之  
禁忠言未卒於口而身爲戮沒矣故使天下之

士傾耳而聽重足而立拑口而不言是以三主  
失道忠臣不敢諫智士不敢謀天下已亂姦不  
上聞豈不哀哉先王知雍蔽之傷國也故置公  
卿大夫士以飾法設刑而天下治其彊也禁暴  
誅亂而天下服其弱也五伯征而諸侯從其削  
也內守外附而社稷存故秦之盛也繁法嚴刑  
而天下振及其衰也百姓怨望而海內畔矣故  
周五索隱曰賈誼書五作王序得其道而千餘歲不絕秦本  
末並失故不長久由此觀之安危之統相去遠  
矣野諺曰前事之不忘後事之師也是以君子

為國觀之上古驗之當世參以人事察盛衰之

理審權勢之宜去就有序變化有時故曠日長

久而社稷安矣秦孝公據殽函之固擁雍州之

地君臣固守而窺周室有席卷天下

水散席張晏曰包括囊括也包舉宇內囊括四海之意

○索隱言其能包含天下并吞八荒之心當是時商君佐之

鞅仕秦為左庶長遂為秦制法君衛公孫內立法度務耕織修守

戰之備外連衡而鬪諸侯索隱曰戰國策曰蘇秦亦

從道之秦故為秦連衡高誘曰合關東於是秦人拱手而取西河之外孝公

既沒惠王武王蒙故業因遺冊南兼漢中西舉

秦始皇帝紀

巴蜀東割膏腴之地收要害之郡諸侯恐懼會

盟而謀弱秦不愛珍器重寶肥美之地以致天

下之士合從締交漢書音義曰締結也相與為一當是時齊

有孟嘗趙有平原楚有春申魏有信陵此四君

者皆明知而忠信寬厚而愛人尊賢重士約從

離衡索隱曰言孟嘗等四君皆為其國共相約結為從以離散秦之橫并韓魏燕楚齊

趙宋衛中山之眾於是六國之士索隱曰六國者韓魏趙燕楚齊

是也與秦為七雄又六國與宋衛中山為九國其三國蓋微又前亡有寧越徐尚蘇秦杜

赫之屬為之謀徐廣曰越一作經或自別有此人不必甯越也○索隱曰甯越趙人賈誼作甯

越徐尚未詳蘇秦東周洛陽人呂氏春秋杜赫以安天下說周昭文君高誘曰杜赫周人也齊明周最



陳軫昭滑樓緩程嬰蘇厲樂毅之徒通其意索隱

曰戰國策齊明東周臣後仕秦楚及韓周最周之八公子亦仕秦陳軫夏人亦仕秦昭滑楚人樓緩魏文侯之弟所謂樓子

也蘇厲秦之弟仕齊樂毅本齊臣入燕燕昭王以客禮待之以為亞卿程嬰未詳也吳起孫臏帶

佗兒良王廖田忌廉頗趙奢之朋制其兵索隱

起衛人事魏文侯為將孫臏孫武之後也春秋曰王廖貴先兒良貴後二人皆天下之豪士田忌齊將也廉頗趙奢皆趙

之將也常以十倍之地百萬之眾叩關而攻秦秦

人開關延敵九國之師逡巡遁逃而不敢進秦

無亡矢遺鏃之費而天下諸侯已困矣於是從

散約解爭割地而奉秦秦有餘力而制其敵追

亡逐北伏尸百萬流血漂鹵徐廣曰鹵楯也因利乘便宰

秦始皇帝紀

割天下分裂河山疆國請服弱國入朝廷及孝

文王莊襄王享國日淺國家無事及至秦王續

六世之餘烈張晏曰孝公惠文王武王昭王孝文王莊襄王振長策而御宇

內吞二周而亡諸侯復至尊而制六合執捶拊

徐廣曰拊拍也音府一作槁朴○索隱曰賈本論作槁朴以鞭笞天下威振四海

南取百越之地韋昭曰越有百邑以為桂林象郡百越之

君俛首係頸委命下吏乃使蒙恬北築長城而

守藩籬却匈奴七百餘里胡人不敢南下而牧

馬士不敢彎弓而報怨於是廢先王之道焚百

家之言以愚黔首隳名城應劭曰壞堅城恐人復阻以害已也殺豪

後收天下之兵聚之咸陽銷鋒鑄鏃以為金人

十二以弱黔首之民然後斬華為城徐廣曰斬一作踐駟案服

虔曰斷華山為城。索隱曰踐亦出賈本論又崔浩云踐登也因河為津據億丈之城

臨不測之谿以為固良將勁弩守要害之處信

臣精卒陳利兵而誰何如淳曰何猶問也。索隱曰崔浩云何或為呵漢舊儀宿

衛郎官分五夜誰呵呵夜行者誰也何呵字同天下以定秦王之心自以為

關中之固金城千里索隱曰金城言其實且堅也韓子曰雖有金城湯池漢書張良亦曰

關中所謂金城千里天府之國子孫帝王萬世之業也秦王既沒

餘威振於殊俗陳涉壘牖繩樞之子服虔曰以繩係戶樞也孟

康曰尾壘而遷徙之徒才能如淳曰旺古張字氓民也

秦始皇帝紀

不及中人非有仲尼墨翟之賢陶朱猗頓之富

躡足行伍之間而崛起什伯之中

漢書音義曰百出十長百長之

中如淳曰時皆辟屈在十百之中

率罷散之卒將數百之衆而轉攻

秦斬木為兵揭竿為旗天下雲集響應贏糧而

景從山東豪俊遂並起而攻秦族矣且夫天下

非小弱也雍州之地殽函之固自若也

韋昭曰殽謂二殽函

函谷關也

陳涉之位非尊於齊楚燕趙韓魏宋衛中

山之君鉏耒棘矜

服虔曰以鉏柄及棘作矜如淳曰耒推塊推也

非鈇於

句戟長鍛也

徐廣曰鈇一作鉞駟案如淳曰長刃矜也又曰矜刃下有鐵橫方上曲勾鍛音所拜反

適戍之衆非抗於九國之師深謀遠慮行軍用

兵之道非及鄉時之士也然而成敗異變功業

相反也試使山東之國與陳涉度長絜大漢書音義

曰絜束之絜比權量力則不可同年而語矣然秦以區

區之地千乘之權招八州而朝同列百有餘年

矣然後以六合為家殺函為宮一夫作難而七

廟墮身死人手為天下笑者何也仁義不施而

攻守之勢異也秦并海內兼諸侯南面稱帝徐廣

曰一本有此篇無前者秦孝公已下而又以秦并兼諸侯山

東二十餘郡繼此末也。索隱曰按賈誼過秦論以孝公已

下為上篇秦兼并諸侯山東三十餘郡為下篇鄒誕生云太

史公刪賈誼過秦篇著此論當其義而省其辭褚先生增續

既已混載而世俗小智不唯刪省之自合

寫本論於此不同也今頗亦不可分別

以養四海天下

之士斐然鄉風若是者何也曰近古之無王者  
久矣周室卑微五霸既歿今不行於天下是以  
諸侯力政彊侵弱衆暴寡兵革不休士民罷敝  
今秦南面而王天下是上有天子也既元元之  
民莫得安其性命莫不虛心而仰上當此之時  
守威定功安危之本在於此矣秦王懷貪鄙之  
心行自奮之智不信功臣不親士民廢王道立  
私權禁文書而酷刑法先詐力而後仁義以暴  
虐爲天下始夫并兼者高詐力安定者貴順權  
此言取與守不同術也秦離戰國而王天下其

道不易其政不改是其所以取之守之者異也  
孤獨而有之故其亡可立而待借使秦王計上  
世之事並殷周之迹以制御其政後雖有淫驕  
之主而未有傾危之患也故三王之建天下名  
號顯美功業長久今秦二世立天下莫不引領  
而觀其政夫寒者利衽褐徐廣曰一作衽小襦也音  
豎○索隱曰趙岐曰褐以  
毛毳織之若馬衣或以褐編衣也衽一音豎蓋謂褐布  
豎裁為勞役之衣短而且狹故謂之短褐亦曰豎褐而飢  
者甘糟糠天下之嗷嗷新主之資也此言勞民  
之易為仁也鄉使二世有庸主之行而任忠賢  
臣主一心而憂海內之患縞素而正先帝之過

秦始皇帝紀



裂地分民以封功臣之後建國立君以禮天下  
虛囹圄而免刑戮除去收帑汙穢之罪使各反  
其鄉里發倉廩散財幣以振孤獨窮困之士輕  
賦少事以佐百姓之急約法省刑以持其後使  
天下之人皆得自新更節修行各慎其身塞萬  
民之望而以威德與天下天下集矣即四海之  
內皆謹然各自安樂其處唯恐有變雖有狡猾  
之民無離上之心則不軌之臣無以飾其智而  
暴亂之奸止矣二世不行此術而重之以無道  
壞宗廟與民

徐廣曰一無  
此上五字

更始作阿房宮繁刑嚴

誅吏治刻深賞罰不當賦歛無度天下多事吏  
弗能紀百姓困窮而主弗收恤然後姦偽並起  
而上下相遁蒙罪者衆刑戮相望於道而天下  
苦之自君卿以下至于衆庶人懷自危之心親  
處窮苦之實咸不安其位故易動也是以陳涉  
不用湯武之賢不藉公侯之尊奮臂於大澤而  
天下響應者其民危也故先王見始終之變知  
存亡之機是以牧民之道務在安之而已天下  
雖有逆行之臣必無響應之助矣故曰安民可  
與行義而危民易與爲非此之謂也貴爲天子

富有天下身不免於戮殺者正傾非也是二世之過也襄公立享國十二年初為西時葬西垂

索隱曰此已下重序列秦之先君立年及葬處皆當據秦紀為說與正史小有不同今取異說重列於後襄公秦仲孫莊公子救周周始命為諸侯初為西時祠白帝立十三年葬西土生文公文公立居西垂

宮五十年死葬西垂索隱曰作酈時又作陳寶祠生靜公靜公

不饗國而死生憲公憲公享國十二年居西新

邑死葬衙地理志馮翊有衙縣。索隱曰憲公滅蕩社居新邑葬衙本紀憲公徙居平陽葬西山生

武公德公出子出子饗國六年居西陵索隱曰一云居西陂

葬衙本紀不云庶長弗忌威累參父三人率賊賊出子鄙

衙葬衙武公立武公饗國二十年居平陽封宮

徐廣曰一云居平封宮  
葬宣陽聚東南索隱曰紀云葬平陽初以人從死  
三庶

長伏其罪德公立德公尊國二年居雍大鄭宮

生宣公成公繆公葬陽初伏以御蠱索隱曰二年初伏本紀此

絕不言也宣公尊國十二年居陽宮葬陽索隱曰四年一作密時

初志閏月成公尊國四年居雍之徐廣曰之一作走宮葬

陽齊伐山戎孤竹繆公尊國三十九年天子致

霸葬雍繆公學著人索隱曰著音貯又音宁著即宁也門屏之間曰宁謂學於宁門

之人故詩云俟我於著乎而是也生康公康公尊國十二年居雍高

寢葬均社生共公共公尊國五年居雍高寢葬

康公南生栢公栢公尊國二十七年居雍太寢

秦始皇帝紀

葬義里丘北生景公索隱曰一作僖公景公享國四

十年居雍高寢葬丘里正義曰丘一作二也南生畢公徐廣曰春

哀公秋作畢公饗國三十六年正義作三十七年葬車里北生

夷公夷公不享國死葬左宮生惠公正義曰十年葬車里元年

孔子行惠公享國十年葬車里康景生悼公悼公

享國十五年正義曰雍正紀作十四年葬僖公西城雍生刺正義

曰一作利龍共公索隱曰一作厲共公刺龍共公享國三十四年葬入

里徐廣曰一作人生躁公索隱曰又作撻公懷公正義曰

曰四年葬其十年彗星見躁公享國十四年居受

寢葬悼公南其元年彗星見徐廣曰年表云星畫見懷公從

晉來享國四年葬櫟園氏生靈公諸臣園懷公

懷公自殺肅靈公昭子子也徐廣曰懷公生昭子昭子生靈公。索隱曰紀

年及系本無肅字立十年表同紀十二年居涇陽享國十年葬悼公西生

簡公簡公從晉來享國十五年葬僖公西索隱曰按

本紀簡公名悼子即刺龍公之子懷公弟也且紀及系本皆以為然今此文云靈公謬也立十六年葬僖公西生惠

公其七年百姓初帶劍惠公享國十二年葬陵

圉索隱曰王劭按紀年云簡公後次敬公敬公立十三年乃至惠公辭即難憑時參異說生出公出

公享國二年索隱曰系本謂少王出公自殺葬雍獻公享國

二十三年徐廣曰靈公。索隱曰系本稱元獻公立二十二年表同紀二十四年葬踰園

生孝公孝公享國二十四年索隱曰本紀十二年葬弟園生

秦始皇帝紀

惠文王其十三年始都咸陽

正義曰本紀云十二年作咸陽築冀闕是十三

年始都之

惠文王饗國二十七年

索隱曰十

葬公陵

正義

曰括地志云秦惠文王陵在雍州咸陽縣西北一十四里

生悼武王悼武王享國

四年葬永陵

徐廣曰皇甫謐曰葬畢今安陵西畢陌。索隱曰系本作武烈王十九而立立三年本紀

四年。正義曰括地志云秦悼武王陵在雍州咸陽縣西十里俗名周武王陵非也

昭襄王享國

五十六年葬芷陽

索隱曰十九年而立葬芷陽也。正義曰括地志云秦莊襄王陵在雍州

新豐縣西南三十五里俗亦謂為子楚始皇陵在北故亦謂為見子陵

生孝文王孝文王

享國二年葬壽陵生莊襄王莊襄王享國三年

葬芷陽生始皇帝呂不韋相獻公立七年初行

為市十年為戶籍相伍孝公立十六年時桃李



冬華惠文王生十九年而立立二年初行錢有  
新生嬰兒曰秦且王悼武王生十九年而立立  
三年渭水赤三日昭襄王生十九年而立立四  
年初爲田開阡陌孝文王生五十三年而立莊  
襄王生三十二年而立立二年取太原地莊襄  
王元年大赦脩先王功臣施德厚骨肉布惠於  
民東周與諸侯謀秦秦使相國不韋誅之盡入  
其國秦不絕其祀以陽人地賜周君奉其祭祀  
始皇饗國三十七年葬酈邑正義酈力知反生二世皇  
帝始皇生十三年而立二世皇帝享國三年葬

宜春

正義曰括地志云秦故胡亥陵在雍州萬年縣南三十四里上文葬以黔首也

趙高為丞

相安武侯二世生十二年而立

徐廣曰本紀云二十一

右秦襄公至二世六百一十歲

正義曰秦本紀自襄公至二世五百七十

六年矣年表自襄公至二世五百六十一

年三說並不同未知孰是

孝明皇帝正義曰班固

有非耶班固上表陳秦過失及賈誼言荅之

十七年十

月十五日乙丑日

索隱曰此已下是漢孝明帝訪班固評賈馬贊中論秦二世亡天下之得

失後人因取其說附之此末

周歷已移

正義曰周初十世三十一

七歲至八百六十七曆數既

仁不代母秦直其位

索

曰周曆已移周二也仁不代母謂周得木德木生火周為漢母也言曆運之道仁恩之情子不代母而王謂火不代木言

漢不合即代周也秦值其閏位得在木之間也此論者之辭也。正義曰始皇以為周火德秦代周從所不勝為水德之

始也按周木德也秦水德也五行之運水生木木生火火生土土生金金生水所生者為母出者為子帝王之次子代母秦稱水是母代子故言若有德之君相代不母承其子直音值言秦并天下稱帝是秦德值帝王之位

呂政 殘虐然以諸侯十三 始皇初為秦王年十三也。索隱曰呂政者始皇名政是呂不韋幸

并兼天下極情縱欲養育宗親 嫪有娠獻莊襄王而生始皇故云呂政

三十七年兵無所不加制作政令施於後王 曰謂置郡縣壞井田開阡陌不立侯王始為伏臘又置丞相

將作詹事水衡都尉監守縣令丞等皆施於後王至于隋唐矣 蓋得聖人之威河神授

圖 正義曰蓋者疑辭也言始皇之威能吞并天下稱帝疑得聖人之威靈河神之圖錄 據狼狐唱參

伐佐攻驅除 正義曰狼音郎狼狐主弓矢星天官書云參伐主斬艾事言秦據蹈狼狐參伐之氣驅滅

天距之 正義上音巨之至也 稱始皇既歿胡亥極愚鄙

下天距之 正義上音巨之至也 稱始皇既歿胡亥極愚鄙

秦始皇帝紀

山未畢復作阿房以遂前策云凡所為貴有天

下者肆意極欲大臣至欲罷先君所為誅斯去

疾任用趙高痛哉言乎人頭畜鳴正義曰女畜許又反言胡亥人身

有頭面口能言語不辨好惡若六畜之鳴不威不伐惡正義曰此五字為一句也不篤不

虛云正義曰言胡亥藉帝王之威器殘酷暴虐滋己惡惡既深篤以至滅之豈其虛哉距之不得

留殘虐以促期雖居形便之國猶不得存子嬰

度次得嗣冠正義音縮玉冠佩華紱正義音拂車黃屋蔡邕曰黃

屋者蓋以黃為裏從百司正義從才用反謁七廟小人乘非位莫不

况忽失守偷安日日獨能長念却慮父子作權

近取於戶牖之間竟誅猾臣為正義于偽反君討賊高

死之後賓婚未得盡相勞餐未及下咽酒未及

濡胥楚兵已屠關中真人翔霸上素車嬰組奉

其符璽以歸帝者鄭伯茅旌鸞刀嚴王退舍公羊

傳曰楚莊王伐鄭鄭伯肉袒左執茅旌右執鸞刀以逆莊王莊王退舍七里何休曰茅旌鸞刀祭祀宗廟所用也執宗廟

器者示以宗廟血食自歸河決不可復壅魚爛不可

復全索隱曰宋灼曰言如魚之爛從內而出賈誼司馬遷曰向使嬰有

庸主之才僅得中佐山東雖亂秦之地可全而

有宗廟之祀未當絕也秦之積衰天下土崩瓦

解正義曰言秦國敗壞若屋宇崩頽眾瓦解散也雖有周旦之材無所復陳

其巧而以責一日之孤正義曰日音駟一誤哉俗傳

秦始皇帝紀

秦始皇起罪惡胡亥極得其理矣復責小子正義

曰亦謂子嬰

云秦地可全所謂不通時變者也紀季以

鄗春秋不名

春秋曰紀季以鄗入于齊公羊傳曰何以不名賢之也謂設五廟以存姑姊妹也。正義

曰鄗音戶圭反括地志云安平城在青州臨淄縣東十九里古紀之鄗邑帝王紀云周之紀國姜姓也紀侯譜齊哀公於

周懿王王亨之外傳曰紀侯入為周士竹書云齊襄公滅紀邾鄆郟又括地志云邾城在青州臨朐縣東三十里鄆城在

北海縣東北七十里郟城在密州安立縣界邾音駢鄆音訾按秦始皇起罪惡胡亥極得其理國既崩絕箕子比干尚不能

存勢庸主子嬰焉能救秦之敗以賈誼史遷不通時變不如紀季之深識也季紀侯少弟不書名故曰紀季吾

讀秦紀至於子嬰車裂趙高未嘗不健其決憐

其志嬰死生之義備矣

徐廣曰班固典引曰永平十七年詔問臣固太史遷贊語

中寧有非邪臣對賈誼言子嬰得中佐秦未絕也此言非是臣素知之耳

索隱述贊曰

六國陵替

二周淪云

并一天下

號為始皇

阿房雲構

金狄成行

南遊勒石

東瞰浮梁

瀉池見遺

沙丘告喪

二世矯制

趙高是與

詐因指鹿

災生噬虎

子嬰見推

恩報君父

下乏中佐

上乃庸主

欲振頹綱

云誰克補

史壹萬叁仟壹佰柒拾捌字

注壹萬叁仟伍佰柒拾伍字

# 秦始皇本紀第六

## 史記六

秦始皇帝紀